

Dieses Werk wurde Ihnen durch die Universitätsbibliothek Rostock zum Download bereitgestellt.

Für Fragen und Hinweise wenden Sie sich bitte an: [digibib.ub@uni-rostock.de](mailto:digibib.ub@uni-rostock.de) .

Das PDF wurde erstellt am: 25.09.2024, 02:50 Uhr.


---

Ludwig Wiedow

## **Anning un Mriken : Erzählung**

Stavenhagen: Druck und Verlag der Beholtz'schen Buchdruckerei und Buchhandlung, [1894]

<https://purl.uni-rostock.de/rosdok/ppn1882511093>

Druck Freier  Zugang



OCR-Volltext

Nr. 17.

Planing un Miriken.

Von Ludwig Wagtsmitgott.

für

Schule und Haus

Beholtz'sche

Verlagshandlung

Stavenhagen i. M.

Y.

304. 15.

702  
~~№. 3474 (15.)~~


У. 304. 15.

# Für Schule und Haus.

---

Bisher sind erschienen:

- Nr. 1. Das Vermächtnis des Pilgers von B. Buchwald.  
= 2/3. Dörpgeschichten von L. Wagtsmitgott.  
= 4. Im Walde von U. Derelli.  
= 5/6. Der Weidenhof von R. Blankenburg.  
= 7. Grethenväschen von C. Beyer.  
= 8. Ins Waisenhaus von R. Blankenburg.  
= 9. Aus Wasserfluten von R. Blankenburg.  
= 10/11. Das Erbe von R. Blankenburg.  
= 12. Das Findelkind von Schönheim von F. P.  
= 13. Ellernhof — Eine Schuld von H. v. Echtlitz.  
= 14. Ueber allem die Liebe von M. Dahnow.  
= 15. Die Tochter des Arbeiters von A. Asmis.  
= 16. Söh plattdütsche Geschichten von Wagtsmitgott.  
= 17. Anning un Mriken von Wagtsmitgott.  
= 18. Gottes Mühlen von A. Ebers.  
= 19. Der Lindenhof von Martha Citner.  
= 20/21. Verpflanzt von R. Blankenburg.
-



# Anning un Ariken.

Erzählung

von

Ludwig Wagtsmitgott.

---

Druck und Verlag  
der Beholts'schen Buchdruckerei und Buchhandlung,  
Stavenhagen.

1894

Handwritten text, likely a title or header, appearing as bleed-through from the reverse side of the page. The text is mirrored and difficult to decipher.



Handwritten text at the bottom of the page, appearing as bleed-through from the reverse side. The text is mirrored and mostly illegible.

# I.

## 'n lütten Besüf bi Bändner Jost.

Wenn man bi dei Smed na Kohlshagen herrin kümmt, denn dröppt män up dei rechte Sied — nich wied von't Pastuernhus — 'n Bändnerkaten, den man't all von buten tau ansüht, wie dei Wirtschaft in'n Hus beschaffen is. Dat Hus stammt noch ut dei oll Tied, as man dat eiken Holt binah ümsünst harr. Dei Wänd' warden jedes Johr frisch anwit't, dei Balken un Ständers sünd rod anstrefen, dat jeder denkt, hei het'n stattlich Buerhus vör sich. Un doch is't man'n Bändnerkaten. Dei Timmer sünd niedrig un lütt; amers bugten dei Dlen nich. Blot ein gerüimig Wahnstuw is na den Goren rut, dat anner sünd alltaufamen Kamers, lute Kruplöcker, as dei Köster tau seggen pleggte. — Wer na dei Stuw rin will, möt erst äwer dei grot Deel, wo up dei ein Sied dei Käuh, up dei anner dei beiden lütten Pierd stahn. Zwei Pierd wieren eigentlich tau veel vör Josten, äwer — wil hei dat Gemeindeland mit pacht harr — künn heit't mit ein nich bedwingen.

Dat is in'n Harwst, wo kum dat Low von dei Böm run is; kümmt Eine man'n jöß Wochen später up Josten sin grot

Deel, denn kann hei wat tau seihn kriegen. Denn hängt doe ünnern Bähn dei halwe Deel vull Speck, Schinken un Wust, denn alls, wat keinen Kofbähn het, will hier rökern. Dat Hus het kein'n Schornstein, is noch 'n richtig Kofhus, un dat het bi Wind un Regenweder, wenn dei Kof nich ut dei grot Döhr kamen kann, wat richtigs tau bedüden; äwer Speck un Schinken warden dorbi am allerbesten.

't is Fierabend. Badde Jost is von dei Arbeit tau Hus, dat Weih is besorgt, dei Rauh aderkauen, all's is buten still; höchstens quitt noch eins 'n Swien, dat in'n 'Dänn' krüppt. Dei Nachtkost hewwen uns Lüüd tau View; äwer taum Taubeddgahn is't doch noch tau tiedig, man möt doch all dei Lamp ansteken. Dt 'n beten inbött is all, denn wenn man sit den Dag äwer sweitig arbeit hett, is man's abends inne koll Stuw frostig. Dormit nu dat Licht nich üm'sünst brennt, het Badde sick all 'n poe Schänstöck sieden un flicht 'n ollen Korb ut. Mudde het sick all 'n Spinnrad inne Reihg maht, dormit dei Lüüd ut Josten Hus' man jo dei ersten uppe Bleik sünd. — Anna, dei öllste von dei Döchder, sitt an'n Disch un stoppt Strümp. „'t möt of dahn warden,“ seggt Mudde, „eigentlich süst Du sünst bi't Reihen bliven, dat Wilhelm sin Hem'm man farrig warden.“

„Dei krieg ick ümme noch,“ meint Anna, „dei Winde fängt erst an!“

Ach ja, för Anna brukte man kein Sorg tau hewwen, dei verstünn sit tau fihren un tau wenden, dei juste in den Hus' ümher as 'n lütten Brummküsel, blot dat all's dorbi so lis afgüing, as wenn sei up Lehnen schwerie. Dorbi sehg sei jeden Placken, dei nich sien müßte, un Spennwew dörwte sick in kein Eck updufen laten. — „Ja, Anna, dei lat man mit Frieden,“ meinte sülwst Badde Jost, den dat nich so licht flink 'naug gahn künn, „dei ward't oll Rad woll bald in'n

Gang friegen.“ Jost's harren noch ein Dochder, Writen, dei achteinjährig, dei wier dat Gegenstück von Anna. Obschonst sei binah zwei Johr jünger wier, as ehr Schwester, künn sei Anning doch bequem dei Grütt von'n Kopp eten, äwerhaupt wier sei in allen Ranten vullständiger. So glöwte of dei miehste Mann, dat Writen dei öllste von dei Döchter wier. Writen wier in allem langsam, äwer sicher. Während sei einmal dörch dei Stuw peddte, suste Anning woll teihnmal dordörch, un während man Anning kum dorbi gewohr würd, hörte man Writen all inne drüdde Stuw up Söcken sliken. Beide Mädchen harren rode, frische Backen, doch let dat Anna mihre as 'n Pfirjich, während Writen as 'n düstern Langappel utsehg. Adrett un propper höllen sich beide. Wie oft müßte Jost dat hören: „Mit Din Döchter is dat doch 'n wohren Staat!“ Denn freute dei Oll sich un wier nich wenig stolz dorup. Woll männigein von dei jungen Lüd in Kohlshagen harr Lust tau dei Dierns, äwer sei leeten sich von nimsen an'n View kamen. Anning wüßt sei mit ehr Mulwerk un ehr Dgen taurüggtauhollen, un Writen verstünn bi sonne Gelegenheit ehr Füßt tau bruken. Awer stolz wieren sei all beid of nich 'n beten, sei wüßten 't gornich, dat sei so nett utsegen. — Dat verstünn sich von süßst, dat Writen mihre för dei Butenarbeit wir, un Anna bi Mudde in'n Hus rumfrante un dat Flicken un Stoppen besorgte. Hüt Abend schellte Writen wie gewöhnlich dei Kartüffeln af. — Achtern Disch seet Wilhelm, dei twölfjährig, un lierte, denn dei Schaul wier all sied einige Wochen in'n Gang. So harr jeder in Josten Hus sin Arbeit, denn müßig dörwte keine sien. — Don kloppt wat an dei Döhr.

„Herrein!“ röppt Jost, „wenns kein Schneider is!“ — Jost harr gaud seggen, den'n Snider gewt nich mihre in Kohlshagen; dei doe vördissen west wir, sleep all egliche Johr

uppen Kirchhof. Hei harr 'ne Witwe nalaten, dei wahnte ein poe Hüser bettau bi'n Radmake. Of'n Sähn wier noch doe, dei wier Murer worden un vör mihre Fohren inne Fröm'm gahn. Nu wier't äwer grad Wilmohsen Mudde, dei Sniderwitwe, dei herrin keem, dat wier Josten doch binah fatal, un hei keem ehr also desto fründlicher entgegen.

„Süh, Sunabend of, Wilmohsen Mudde,“ säde, „dat is mal nett, dat Sei uns 'n beten besöcht!“

„Gah's man bi'n Awen sitten,“ nödigte Josten Mudde, „wi herwt all 'n beten inbött!“

„Sitten gahn will ick eigentlich nicht lang,“ säd Wilmohsen Mudde, as sei allen dei Hand gewen harr, „ick kam her, üm mi veel mal tau bedanken för all dat Gauds, wat mi ümme ut dissen Hus taufliten deiht.“

„Den Dank la's man,“ antwurte Jost, „doe harr wi doch nicks vör nahmen!“

„Dat weit ick woll,“ säd dei oll Fru, „äwer mi het dat all lang' drückt, dat ick mi up keine Art herw erkenntlich wisen künn. Ick dacht' ümme noch, dat ick in'n Harwt bi dei Kartüffeln helpen künn, ore taum wenigsten inne Heuaufst; äwer dat wull nich, min Kräft herwen doch gewaltig afnahmen.“

„Dat wier dörcht nich nödig,“ säd nu Anna, „un? Kartüffeln herw wi all tau rechte Tied ute Erd kregen!“

„Ne, Wilmohsen Mudde, dat wier würklich nich nödig,“ bestätigte Josten Mudde, „un dat Danken wier of nich nödig; vertells uns leiwest 'n beten von Ehren Heinrich!“

„Wie giern ded ick dat, äwer ick herw so lang' nicks von em hört, dat ick recht besorgt üm em bün!“

Werre kloppt wat an dei Döhr, — ditmal wier't dei Radmake.

„Nu,“ säd Jost, „wenn't künmt, denn künmt mit Hupen!“

„Ja, dat is of wöhr; je später dei Dag, desto schöne dei Güd!“ fügte Mudde hentau un geew den Radmake dei Hand.

„Gah sitten, Kawer,“ säd Jost, „bi'n Arwen steiht noch 'n Staul!“

„Wo, Zi hewrot all inbött?“ frög hei.

„Ja,“ antwurt Mudde, „wenn uns Badde 's abends tau Hus künmt, mag hei nich inne koll' Stuw sitten, dorüm heww wi 'n poe Stück inleggt.“

„Na, Willmohsen Mudde, Sei of hier?“ frög dei Radmake, „doe harr wi jo tau Gesellschaft gahn künmt.“

„Ja,“ säd sei, „dat harr 'scheihn künmt, ick bin of erst vör'n beten kamen.“

„Hier dröpptenümme all's bi dei Arbeit, man mag of kamen, wenn man will;“ füng dei Radmake werre an.

„Sündags doch woll nich?“ frög Willmohsen Mudde lösllich dortwischen.

„Ne, Sündags natürlich nich, dat is unsen Herrgott sien Dag;“ bestätigte dei Meiste, „äwer jünst kennt man hier kein Fiern. Ick mücht hüt nicks mihr dauhn, doe kann 'n sich upstunns den Dag äwer noch mäud 'naug kloppen bi dei ollen Felgen un Räd.“

„Ja, ein jeder het sin Deil!“ bemerkte Mudde.

„Wilhelm het't noch am besten,“ meinte dei Meiste, „dei geht noch inne Schaul un het för nicks tau sorgen.“

„Ick möt liern,“ säd dei Jung achter den Disch herrut.

„Hürst Du woll, Mawer?“ föll Jost in, „Ison Gäst meinen, dat sei of all ehr Not hewot.“

„Ja, ja, dat is so,“ bestätigte dei Meiste; „wenn man jung is, denn will man giern grot sien, dormit dat Leven lichte un hübsche ward, un wenn man grot is un olt ward, müchte man giern werre 'n Kind sien.“

„Dei Rinnerjohr sünd doch ümme dei besten,“ säd Josten Mudde, „äwer denn süht man't eben nich in, denn heit dat gewöhnlich: wenn 'ck man irst ute Schaul bün!“

„So, nu weit ick min Beden!“ reep Wilhelm un klappte dat Bauk tau.

„Lang' mal her dei Bivel!“ beföhl Jost, „ick will Di erst verhören!“

Wilhelm bedte all's her un wüßte würklich sin Lex. — „So heww wi dat ümme hollen,“ vertellte Josten Mudde: „kein Kind het ut den Hus gahn dörrwt, sei hewwen ümme erst all's herseggen müßt.“

„Un dorbi sünd wie Ollen werre mit fast un sicher worden in'n Katechismus;“ set'te Jost hentau.

„'t sall man gellen, wenn dei Dellen sicc üm dei Rinner kümmern un ehr ümme all's verhören,“ säd Willmohsen Mudde, „mit unsen Heinrich het't min sel' Mann, as hei noch lewte, of ümme so hollen.“

„Ehr Heinrich künn äwer of gaud liern,“ säd nu Aming, „besonders in't Reken wier hei so fix; dat wier ümme den Köster sien Best!“

So snackten dei Ollen un dei Jungen hen un her, dat in'n Nemseihn dei Tied vergieng. Dei Korb würd hüt Abend noch nich farrig, äwer dei Kartüffeln wieren af, also stümm of

dei Besänt up, iim na Hus tau gahn. Dei Mädchen wieren mit dei Kartüffeln herrut gahn un wull'n sei waschen.

„'t ward mi noch snurrig vörkamen, wenn dei Diern weg is,“ säd Zosten Mudde, as ehr dei Radmake dei Hand gew.

„Sall Anna denn weg?“ frög hei.

„Sei will nächste Dags mal na dei Försterie gahn, ob dei Fru Försterin ehr nich brufen kann!“

„So!“ dehnte dei Radmake; „ja frielich, wenn sei doe ankamen kann, dat verdent' ick ehr nich. Son Pläge giwrt nich veel: grotten Lohn, gaud Eten un Drinken, nette Behandlung un denn noch Gelegenheit, Waschen, Plätten un Raken tau lieren; dat lat ick mi gefallen!“

„Doe sünd äwer of veel jung'n Lüid in'n Hus,“ bemerkte Willmohsen Mudde; „doch Auning — —“

„Ne,“ föll Zosten Mudde in, „dei dauhn min Anna nicks, doe biin ick seler vör; Mannslüid versteiht sei sief von'n Liew tau hollen.“

„Na dei Fru Försterin sall sei?“ frög Wilhelm, „denn möt sei jowoll erst Exam maken!“

„Ach Jung, so drän doch nich,“ schüll Mudde, „wer maft denn Exam, wenn hei sief vermeiden will!“

„Ick hewwt so hört,“ brummte Wilhelm, „wiere weit ick't of nich.“ —

„Na, denn Gummacht of!“ säd Willmohsen Mudde; dei Radmake wier indem all rut gahn un säulte sief in'n Düstern dei grot Deel entlang.

„Täuw!“ reep Zosten Mudde, „ick kam mit dei Lamp;“ äwer dei Meiste wier all bi dei grot Balkenledde ankamen, dei up dei Dehl stümm, harr markwürdige Wis' mit dei Arm

dörch dei Spraten steken, un leep nu mit den Kopp gegen dei Balken.

„Süh!“ säde, as dei Lamp keem un hei dat Kunststück sehg, „dat harr 'ek nich dacht, dat min Näs länger as min Arm is!“

„Dat is 'n Teifen, dat Du nicks kregen hest,“ säd Jost, „sünst süst Du't Spotten woll laten.“

As dei Besäuf buten wier, würd von binnen 'n Riegel vör dei Döhr schaven un sick rüst't taum Taubeddgahn.



## II.

### Wie't bi Buer Schweedt hergüng.

Nich in alle Hüser in Koblshagen sehgt' i so ut, as bi Bändner Jost. Buer Schweedt harr twors of 'ne grot Deel, sogar 'ne grötere as Jost, un of noch 'n Kofhus, äwer dei Deel wier leddig; Speck un Schinken hängen nich ünnern Bähn, ut verschiedene Gründ' nich. Erstmals schlacht'ten sei wenig Swien, wiel sei selten weck tau Gang' kregen, un anne Lüüd hödden sich, Fleisch na Schweedten taum Rökern tau bringen. Nich dat sei stehlen un rövern deden, bewohre! äwer doch wier woll'n jeder bang', dat hei dat Sinigte nich werre kreeg. Dat fehlte an dat rechte Tauvertrugen. Awerhaupt güng dei ganze Wirtschaft hier längst verdwas. Schweedten Mudde leet sich woll up ehr Art fuer 'naug warden, obschonst sei den Bessen un dat Water gewöhnlich tauweel schonte, dat dei Dreck in Stuw un Kamer hümpelwij' tau sinnen wier; doch wier't mit dei Mannslüüd noch leeger, dei harren erst recht nich ehren Schick. Dei drünken giern 'n gauden Sluck un müchten denn nicks dauhu. Mit den Ollen güng dat noch, dei wier doch den dagäwer mit sin'n Schachtbuddel taufreden, dorbi puffelte hei denn son beten in'n Hus ümher, schellte

Mudde dei Kartüffeln af un grälte achter ehr her. Beel dulle wier't mit Franz, den Sähn. Dei wier noch nich vull fif-  
untwintig Johr olt, äwer in't Drinken wier hei bi tuerwis'  
doch den Ollen all äwerlegen. Dei Bengel jöp för gewöhn-  
lich nich, wier äverhaupt son äweln Minschen nich, künn ganz  
nett un gefällig sien; freeg hei äwer dei Turen, denn würd  
hei oft daglang nich einmal nüchtern. Denn künnen of dei  
Ollen nicks mit em upstellen.

'n orndlich Mädchen tög nich tau ehr, so müßten sei sich  
denn mit'n Knecht behelpen, dei of nich anners wier, as sei  
fülwst.

Dei Ackerie wier dei reine Jammer! Wenn anne Lüüd  
längst tausieheit harren, fingen sei an, Meß tau führen un tau  
pläugen. Un wo wier denn noch Saatkurn? Denn leep dei  
Oll ümher un jankelte bi dei Kawers, dat dei em wat leihnen  
füllen. Harr hei endlich 'n Dummen drapen, dei em wat  
ded, denn würd dat Hälft' irst flint verköfft, dormit dei oll  
jäkig Kehl man jo ehr Recht freeg, dat anne würd sieht. —  
Keem dei Ault in't Land, un wier man erst 'n beten Kurn  
up'n Bähn, denn harr alle Not 'n End'. Flint würd wat  
afkloppt un — Schulden betahlt, nich wohr? Ja, wat Schulden!  
Wer dachte hier an Schulden! Wenn sich von dei Gläubiger  
keine meld'te, denn würd of nicks gereicht. Nu künn't tau  
Stadt führen losgahn: „Dat bringt frisch Geld!“ jäd  
Schweedten Badder.

So güng't mit dat Kurn, mit Heu un Stroh un mit  
Allens. — Nu wier of noch 'ne oll Mudde in'n Hus, den  
Buern sin lievlich Mudde. Dei oll Fru wier wirklich tau  
beduern. Wil sei olt un kümmerlich wier, künn sei sich oft  
fülwst nich helpen un so freeg sei männigmal nich Matt ore  
Drög. Bördissen, as sei noch mit ehren Mann dei Wirtschaft  
hadd harr, wier't of woll af un tau recht knapp west, beson-

ders in dei Kriegstieden; äwer sei harren sich doch ehrlich dörchslagen un sich ümme werre uprappelt. Dorbi harren sei ehren Gott vertruget, wieren flitig west, un all's harr sich ümme werre reihgt. Wo jüll dit äwer hennut? Großmudde weinte oft ehr bittern Thränen. Wem künn sei woll ehr Not anners klagen, as ehren Herrgott? Mit dei Kinner wier jo nicks tau maken. Sei säd woll eins: „Schweedt, min Sähn, Du möst mihre na'n Rechten seihn, süh, dei Wirtschaft müßte doch woll anners gahn; of kümmt mi dei Franz oft jo dränig vör!“

„O Mudde,“ begäuachte hei sei denn, „wat het Sei vör Sorg', ick bün noch ümme hier un paß up All's. Dei Welt is upstunns anners as vördissen, un dei jungen Lüüd willen of ehr Vergnügen hewwen.“ Dorbi paßte hei eigentlich up nicks un wier froh un taufreden, wenn hei man sinen Gluck harr. —

Eins wieren Badde un Mudde tau Stadt führt, wat harr don Franz tau dauhn? „Nu is't Tied!“ reep hei den Knecht tau, „dei Ollen sünd weg un kamt för't Erst' nich werre, nu will'n wi uns of mal 'n lustigen Dag maken!“

„Awer wat seggt dei Ollsch in ehren Lehustaul dortau?“ frög Korl.

„Dei Ollsch? — Dei is frank, dei sitt un bedt!“ Dorbi lachte dei Bengel, folgte dei Hän'n un slög dei Ogen na haben.

Disse Spott wier jülwst den Knecht tau stark, hei schüddte den Kopp un reep: „Franz, wat makst Du?“

Dei äwer hörte gar nich mihre, sondern leep, wat hei lopen künn, direktemang in dei Smed: „Meiste, hewwen Sei woll'n beten Tied?“ frög hei.

„Wat giwvt denn Riegs, Franz? Du heft dat jo gefährlich hild,“ säd dei Smid.

„Nu ja, dei Ollen sünd tau Stadt führt, nu heww ick dat Regiment, un wil wi noch so utverschamt veel Stroh up dei Bähns hewwt, wull ick Sei bidden, mit Ehren Einspänner langtaufamen, dat wi 'u beten Luft kriegt.“

„Je, Franz, wenn dat man geht,“ wendte dei Meiste in.

„Worüm süll dat nich gahn?“ frög dei Bengel, dorbi spannte hei sich all sülvst in den Klustdiesel un tög mit'n Wagen af.

„Iss 'n glänigen Kierl,“ brummte dei Smidmeiste, güng hen un halte den Brunen uten Stall un leddte achter em an.

Dei Wagen würd richtig vulladt un don nah'n Kraug führt. — So, nu kümmt Supen losgahn! Börerst neihm sich ein jeder 'u gauden Buddel vull mit.

„Newer hüt nich blot blagen Twiern, dei Hälft' möt wenigstens starken Rum sien!“ beföhl Franz. —

Als hei tau Hus an güng, müßte em grad Josten Anna bemöten. „Anna,“ flüfterte Franz un wiste ehr dorbi den Buddel, „kumm mit, min leivste Dierning, Du mößt hüt of eins vergnügt mit uns sien!“

Newer Anna harr all von den Strohhandel hört un schüll: „Du süst Di wat schämen, Franz, dat Du so Din Dellen bedräuwst! Hör doch mal! Din Käuh bölken un Din Schap blarren, wil sei nicks tau freten hewwen, un Du verschacherst dat schöne Stroh! Wie wist Du dat verantwurten?“

„Gornicks will ick verantwurten, min leiw Dierning; hör mal, wenn ick Di nich so utverschamt giern liden mücht, denn würd ick Di ganz wat anners vertellen!“

„Bertell doch, wenn Du't nich laten kannst!“ säd Anna.

„So? wist Du't weiten, wat ick denk? Süh, Du mit-samt Din Ollen sünd noch von — von — —“

„Dei Dummen, wist du seggen,“ föll em Anna in dei Ned; „ick weit woll, vertell man wiere!“

„Dat wull ick grad nich seggen,“ stamerte Franz; „ick mein, Si sünd so sihr för dei Arbeit un gönnt Such kein Vergnügen.“

„Arbeit?“ säd Anna, „ja, dat is wohr, arbeiten dauht wi all sihr giern. Du kennst woll nich den Vers: ‚Arbeit macht das Leben süß, Faulheit bringt Bekümmernis!‘“

„O ja,“ lachte Franz, „den kenn ick woll, äwer ick mag em nich!“

„Wer nich arbeit't, sall of nich eten!“ störr Anna rut un dachte dorbi an den Apostel Paulus.

„Dat is grad min Fall; ick holl't deswegen mit't Drinken!“ lachte Franz werre un slög an dei Buddel.

„Weißt wat, Franz, Du büst gottlos, un dei Tied kann ünne noch kamen, wo Du nick's tau eten hest.“

„Still, min Döchtling, doe sünd wi denn doch 'n ganz Deil klänker,“ flüsterte Franz. „Du weißt woll noch nich, dat nächstens all's deilt ward, un dat dei Riken all's herrunne gewen möten, dormit wi all likveel kriegen?“

„Bon wem hest Di dat upbinden laten,“ frög Anna.

„Dat hevw ick mi gornich upbinden laten, dat weit de ganze Welt!“ behauptete Franz. „Dei Ladendeiner het mit't nulegen all's verflort.“

„Ach du Jammer!“ reep Anna lud, „sünd den denn wirklich dei Schruwen los? — Un Di het hei sei of los dreiht? Na, denn man tau!“ Dorbi leep sei, dat sei wegkeem.

Franz stünn un sehg ehr na, wi sei dat Döörp entlang segelte; as hei sei nich mihre seihn künn, güng hei rin na Korl, dei all up em luerte. „Is doch 'ne verdeuwelte Diern,

dei lütt Anna; ick glöw, dei künn ick all's tau Gefallen dauhn!" säde.

„Wüirdst Din Buddel doe woll an'n Stein smiten, wenn seir't von Di verlangte?“ frög Korl.

„Dat weit ick doch nich!“ besünn sich Franz, keef den Buddel so an un sehg so gieru ut. „Prost, Korl!“ reep hei mit'n mal, dormit süng hei an tau drinken un nu — wier hei verloren.

An Großmudde un an dat hungrige Beih würd nu nich mihre dacht, dei beiden Bengels söchten sich ein stilles Flach, set'ten sich int' Stroh, wat noch ümherleeg un drünken solang' einanner tau, bet dei letzte Druppen herrut wier. —

Als gegen Abend Aning mit ehren Badde tau Hus keem un sei bi Schweedten Hof vöräwer güngen, leeg dei Katen doe wie utgestorben; kein Minsch wier tau seihn, blot dat Beih böllte un dei Farken schriegten, dat man't all von Wieden hören künn.

„Is doch tau dull mit dei Wirtschaft,“ brummte Josten Badde vör sich hen; „mi fall blot wunnern, wi lang' dei Kram noch tausamen hölt.“

Anna säd nicks; as sei äwer tau Hus keem, störr sei Mriten an un bald dorup güngen dei beiden Swestern still densülwigen Weg, un während Mriten inne Schün dat Beih besorgte, seet Aning bi Schweedten Großmudde mit'n Köppken Supp un geew dei tau drinken.

„Unj' Herrgott fall Di't lohnen, min leiw Döchtig,“ säd dei oll Fru, „wenn Du Di nich na mi ümseihu dedst, müßt ick jowoll verkamen.“

Als Mriten mit dat Beihwarf farrig wier, reep sei Anna af, un still, wie sei kamen wieren, güngen sei of werre weg. —

Mit Abend un all, as't längst richtig düster wier, keemen endlich dei beiden Ollen tau Hus. Badder harr tau dauhn,

dat hei von'n Wagen kamen ded; dat wier ümme so, wenn hei tau Stadt fährte un doe lang' vör den Ladendisch stünn.

„Wat ward dei Minst doch stiw, wenn hei olt ward!“ stehnte hei. — „Kork!“ reep hei, „kumm her, mak dei Pierd los un bring's in'n Stall!“

Kork keem nich.

„Franz!“ bölkte hei nu, „so kumm Du doch her un spann ut!“

Sejajija, wo wier Franz?

„Dat weit der Deuwel,“ brummte dei Oll, „dei Bengels sünd jowoll tau Bedd gahn!“

Schweedten Mudde harr sich wildes na dei Stuw rin fänht: „Wo?“ frög sei, „sit't Si hier denn alltaufamen in'n Düstern? Mudde, wo is Sei denn?“

„Ick ligg hier inne Kamer, ach, ick bün so frank!“ stehnte sei.

„Wo sünd dei Kierls, wo is Franz?“ frög Mudde.

„Ja, wat weit ick? Ick herw's den ganzen Namiddag nich seihn!“

„Wat tau dull is, is tau dull!“ schüll Schweedten Mudde un grawelte na dei Swewelstücken. Endlich füm sei's un bött dei Lucht an.

Dei Oll brummte wildes up dei Deel ümher: „Ick glöw, hier gnurren Swien, kumm doch mal mit dat Licht hierher.“

„Wi herwt jo gorkein Swien, 't sünd jo noch Farken; wie süllen hier woll Swien herkamen!“ stred dei Ollsch; äwer as sei neger keem, don sünnen sei dei Bescheerung. „Herr du meines Lebens!“ reep sei, „hier ligger dei beiden Bengels bet äwer dei Ohren in't Stroh un snorken.“

„Franz!“ reep nu dei Oll, wat hei raupen künn, „wat mal up un bring' dei Pierd in'n Stall!“

Awer dei Jung juorkte wiere; of Korl wier nich tau vermüintern.

„Ich will Di wat seggen, Mudde,“ slöt hei endlich, „dit helpt uns nich, dei Jung möt 'wiß eins bi'n Doden legen herwen, un dorvön hett hei den Dodenslap.“

Schweedten Mudde schüddte mit den Kopp, dei Sat wull ehr doch nich so recht in'n Sinn. Ja, wenn dei beiden leddigen Buddels nich dorbi legen harren. — Wat wier hier blot hi tau dauhn? — Dei Ollen müßten schließlich süßwst dei Pierd besorgen, un während Mudde ehr 'n beten Haffels inne Krümw schüddte un'n beten Heu uppe Köp stef, harr dei Oll sich na dei Stuw rin funnen. Endlich keem Mudde mit dei Lücht herrin un dreep em, wie hei mit Stewel un Sporen verdwas äwer't Bedd leeg un ebenfals sien tage Rath sleep.

„'s of woll'n Dodenslap, wo't kein Middel gegen giwvt!“ brumnte dei Ollsch; „ne, wat sünd't einmal vör Kierls? Wenn wi Frugens nich wieren, denn güng doch dei ganze Kram uten Liem!“

Dornah güng sei inne Käk un fakte sich 'ne gaud Tafß Kaffee, wobi sei sich inbillte, dat't eigentlich blot wegen Großmudde geschehg, denn de oll Fru müßte doch wat Warm's geneiten. Taulezt pusselte sei sich of tau Bedd. — Schweedten Mudde verstümm sich doch tau trösten.



### III.

#### Wie Anning von dei Försterie taurügg gäng.

Bald dorup — so gegen Mitte November — gäng Anna na Fockkuhl, wo dei Försterie wier, üm sich tau vermeiden. Dei Platz würd erst tau Ostern fri, äwer — während anne Lüüd kein Deinsten kriegen können, wier hier dei Andrang stets so grot, dat man sich tau rechte Tied dornah ümseh'n müßt. Fosten Anning harr hüt ehr Glück veröcht un wier richtig ankamen. Nu wier sei recht verguängt. Schicken wull sei sich woll, doe brukte keine üm tau sorgen, Tau Hus bi Badde un Mudde wier't jo gewiß am besten, dachte sei; äwer'n jung Minjch wull doch of 'n beten Unnerscheid lieren, un wat süll sei eigentlich tau Hus dauhn? Dei Butenarbeit leet Wriken sich nich nehmen un dei Husarbeit künn Mudde noch ganz gaud allein besorgen. — Ob sei woll Heimweh kriegen würd? Woll schwerlich! Fockkuhl wier jo nich ute Welt, kum annenthalw Stun'n von Kohls-hagen, doe künn man ja ümme eins werre na Hus kamen.

So tröstete sich Anna un gäng dorbi fix werre up ehr Heimatdörp tau. — Sei harren ehr bang' maht, wenn sei so allein dörch't Holt gahn müßt; äwer — wer wull ehr

woll wat dauhn? Dörch't Holt führte ehr Weg ehr allerdings 'n ganz En'n, dat wier nich tau ännern. Viellicht noch teiln Minuten, denn wier sei ut dat Holt herrut un künn den Kohlhäger Kirchtorm all liggen seihn. —

So gäng also Anning fixing tau un freute sick all in'n vörut, wat sei tau Hus hüt Abend all's tau vertellen wüßt. — Awer — noch wier sei nich ut dat Holt herrut, as sei achter sick 'ne helle Stimm lud singen hörte, so hell un flor, dat sei bald weck von dei Wörd verstahn künn.

„Wenn ich draußen bin,  
wenn ich draußen bin —  
ist mir schlecht zu Sinn;  
wenn ich heimwärts geh',  
wenn ich heimwärts geh' —  
thut mein Herz nicht weh!“

Mihre künn sei nich verstahn. „Dat klingt jo ganz hübsch,“ dachte Anna, „wenn't of grad fünst nicks Berühmtes is!“

Sei wull nich ängstlich sien, äwer etwas huddelig würd ehr doch tau Sinn; man künn't doch nich weiten, wat't för'n Bruder wier, un sei — wier allein. Ein poermal harr sei sick all ümseihn, doch wier sei wiere nicks gewohr worden; also makte sei grötere Schritte. Dennoch schiente dei Gesang ehr ümme neger tau kamen.

As sei nu werre hinner sick sehg, würd sei mit Schrecken gewohr, dat 'n jung'n Mann mit'n Reis'bündel achter ehr her keem, dei mächtig uthalte, üm ehr werre tau kriegen. Sedenfalls harr hei sei all seihn un wull mit ehr tausamen gahn. Nu würd un' Anning denn doch ängstlich; man wüßte doch nich, wat hei in'n Schild führte. An ein Utritschen wier nich mihre tau denken, also — „denn man

in Gott's Namen wiere," beruhigte sei sich; „ick gah wenigstens nich up schlechten Wegen.“

Anna sehg sich nu nich werre üm, äwer sei markte, dat dei Wandersmann ehr ümme neger keem. Bald wier hei denn of dicht achter ehr un reep mit jugendliche, äwer kräf-tige Stimm: „Grüß Gott, Mamjellken, wie lopen Sei; doe nehmen's mi doch wenigstens mit!“

Nu wier't vörbi mit Anna ehr Können, sei müßte still stahn, sei möchte willen ore nich. Awer dei Angst wier of in'n Ogenblick weg, as sei den jungen Menschen in dei Ogen sehg. „Is't mögellich!“ reep sei, „dat is jawoll Heinrich Wilmoßs, wenn ick recht seih'!“

„Dei bün ick allerdings,“ entgegnete Heinrich; „äwer mit wem heww ick dei Ehr?“

Anna lachte herzlich; doch dormit harr sei sich verraden: grad so hell un schelmisch harr sei vördissen as Schaulerin of all lacht.

„Ja,“ säd sei, „erinnern — Sei sich miner denn noch?“

„Doch!“ antwurt'te hei nadenklich, denn dat Anna em mit „Sei“ anredt harr, geföll em nich. — „Ick denk', dat Sei laten wi unnerwegs,“ slög hei vör, „nich wahr?“ frög hei un versöchte dorbi ehr mal orndlich inne Ogen tau fiten. „Seggen wi uns also erst mal richtig Gundag, as sich dat för olle Speelkameraden gehört!“ dormit rechte hei ehr dei Hand hen.

„Na ja, Gundag!“ antwurt'te Anna un slög tapfer in.

„So,“ füng Heinrich nu werre an, „nu lat uns of ver-nünftig gahn un lop nich so! Weißt Du denn gornich mihre, dat wie beiden von dei Schaul her noch besonders gaude Früm'n sünd?“

Anna nickte; natürlich wüßte sei dat. Sei wier woll einige Johr jünger as Heinrich, doch erinnerte sei sich gliest,

wie hei ehr so oft mit dat leidige Reken taurechthulpen harr, denn dat grad harr sei nich begriepen künnt, un Heinrich wier dorin so fix west; dat säd sei em denn of.

„Hm!“ makte hei, „ja, dat is richtig; äwer wie büst Du sietdem grot un stark worden!“ wunnerte hei; un hübsch, harr hei giern hentausfügt, äwer sei föll em inne Red un frög: „Wo kümmt Du denn eigentlich her?“

„Ja, so mücht ick Di woll taunächst fragen; wat führt Di denn in jezige Jahrstied in disse Gegend, dat Du so allein uppe Landstrat tau finnen büst?“

„Dat is licht geseggt;“ antwurt'ete Anna. „Wil min Swester Writen of all längst ute Schaul, un veel gröter un stärker is as ick, so bün ick tau Hus nich mihre nödig un heww mi 'n Deinst söcht.“

„Du wist weg ut Kohlshagen?“ frög hei, un dorbi stünn hei werre still, as harr hei sich orndlich doräwer verfiert.

„Ick kam tau Ostern as Stuwennmädchen na dei Försterie,“ berichtete sei; „dat is doch of nich ute Welt.“

„Dat is dat grad nich,“ bestätigte Heinrich; äwer hei sehg doch so nadenklich ut. —

„Na, Anna — ore Anning? segg mal, wie wardst Du denn upstunns eigentlich nemt? Weißt Du, früher säden wi giern Anning!“

„Dat is of noch so,“ meinte sei; „wer wiere nicks mit mi in'n Sinn hett, dei seggt Anna, wer't äwer besonders gaud mit mi meint, dei bliwot bi Anning.“

„Schön!“ reep hei, „denn bliw ick gewiß bi Anning!“ Dorbi sehg hei werre eins heimlich na ehr 'räwer, wie sei so lichtfäutig neben em up leep, dat hei kum mitkamen künnt. „Also Anning,“ süng hei werre an, „nu vertell mi doch mal erst, wie't tau Hus utsüht. Wat maken Din' Dellern, un

wat maht min oll Mudde? Ick herwo sühr lang' kein'n ordentlichen Breiw fregen!"

"Din Mudde is, so veel ick weit, noch temlich tau Weg; ick herwo's letzten Sündag noch seihn, as wi ute Kirch kamen deden. Sei is jo öller worden, dat is woähr; äwer sei is na ehr Föhren doch noch recht berührig. Weit sei denn, dat Du hüt kamen deihst?"

"Sei ahnt nicks, Anning, ick kam ganz unverhofft, un dorum freut mi't ganz besonders, dat ick Di hier herwo drapen müßt, nu weit ick doch, dat sei noch munter is."

"Awer Heinrich, wie ward dei oll Fru sück freu'n!" dorbi sehg of Anning ehren Kameraden eins von ünne bet haben an un würd gewoähr, wie stattlich em dat leet; „segg, wie lang' wardst Du denn bi ehr bliewen?"

"Dat will ick Di seggen, Anning, doch brukst Du nich wiere dorvon tau reden. Süh, wenn all's so kümmt, as ick mi't dacht herwo, denn wull ick woll ganz hier bliewen."

"Dit is jo prächtig!" reep Anna un lachte dorbi äwer't ganze Gesicht; sei wull eigentlich noch wiere ehr Freud taum Utdruck bringen, doch keem ehr dat so vör, as harr sei wat Unschicklichs seggt; also begreep sei sück un fügte hentau: „Denn wist Du Din Mudde woll in ehr lütt Wirtschaft tau Hülp kamen?"

Heinrich lachte, hei sehg jo apenbor Anna's Berlegenheit un harr sin Lust doran.

"Ja," säd hei, „min Mudde ehr Wirtschaft erfordert woll bald 'ne männliche Hülp, ick künn dei Zeeg melken un dei lütten Farken faubern!"

Dat äwer harr Anna bald äwel nahmen. Sei markte dat un lenkte also geschwind in: „Na Anning, min Dirning, nimmt man nich krus; süh, ick will dit't klor vertellen, wie ick't in'n Sinn herwo. Natürlich bliwot dat — as ick all

seggt heww — ünne uns; äwer wil uns' Herrgott uns hier so taußamsüürt het, fast Du of allens weiten.“

„Ick dacht', Du würdft in Hamborg bliwen, Din Mudde säd mal so wat;“ vertellte Anna etwas benaut.

„So, het sei dorvon seggt?“ frög Heinrich. „Ja, ick dachte dat anfangs of; äwer in Hamborg geföllt mi dat nich. Min oll Badder het sief hier vördissen as Snider ehrlich nährt, hett sogoer sief noch 'n poe hunnert Dahler äwerjpoert; worüm jüll ick hier nich as Murer min Brod finnen?“

„Ja, dat woll; wat is Kuhlshagen äwer gegen Hamborg?“ verglef Anna.

„Dat is richtig, Hamborg is 'ne schöne Stadt un doe ward of veel Geld verdeint, mihre as hier verdeint warden kann; äwer segg mal, Anning, maft dat Geld denn glücklich?“

Anna säd nicks, doch sehg sei em so fragend an, as jüll hei ehr mal werre bin'n Ketenerempel helpen.

Heinrich würd nu ganz ernsthaft: „Hamborg, Anning, is'n Urt, wo man veel Vergnüügen hewwen kann, natürlich, wenn man veel Geld het; wer äwer wiere denkt, dat alle Lust un weltliche Freud doch im Grund man 'ne forte Tied duert, un — wer dat nich vergeten kann, wat man as Kind inne Schaul liert het, un wi man bi dissen Glowen so glücklich west is, den geföllt dat nich lang' in Hamborg.“

„Ick heww ünne dacht, dat't in jon grote Stadt veel rife un glückliche Lüüd giwwt,“ meinte Anna.

„Giwwt dat of; ja dat giwwt doe of wirklich fromme un prächtige Lüüd, woran uns' Herrgott sin Gefallen het; äwer — an Gottlosigkeit is erst recht kein Mangel. Dat giwwt doe of Lüüd, dei dorup utgahn, den armen Mann sinen Globen un Gottvertrugen tau nehmen, um em erst recht unglücklich tau maken.“

„Dat verstah ick nich; wat hewwen sei darvon?“ frög Anna.

„Nicks hewwen sei darvon; äwer wil sei unglücklich sünd, sälen dei Annern dat nich beter hewwen, dorüm wiegeln sei em up gegen dei Rifen un prötteln em soveel vör, dat hei möt untanfreden warden mit sin Lag, un wenn hei däglich of fif un söß Mark mit Bequemlichkeit verdeinen kann!“

„Hest Du of soveel verdeint?“ frög Anna.

„Gewiß heww ick dat!“ bejahte Heinrich.

„Bi son Berdeinst kann man doch woll lewen un vergnügt sien!“ meinte Anna.

„Jarwoll, künn man dat; äwer man is dat doch nich, wil dei innere Frieden fehlt. Wenn Di dat äwerhaupt interessirt, will ick Di ein anner Mal dorvon vertellen;“ fügte Heinrich hentau. — Sei wieren nämlich bilünten — bi all dat langsame Gahn — all dicht na Koblshagen 'ran kamen, un wil Heinrich in dei lekten fif Johr nich einmal hier west wier, harr hei 'n Dg för jeden Bom un jeden ollen Katen, den hei ansichtig würd, so dat't Bertellen kein Art mihre harr.

„Wat is dat doe bi dei Hüslerkaten för'n niges Hus, wer het sief dat bugt?“ frög hei mit eins.

„Doe wahnt 'n Schaufte in!“ berichtete Anna.

„'n Schaufte heww Si hier nu of all? Dit is jo schön,“ lachte hei, „denn kann hei mi morgen glik min Stewel befehlen! Süh, leiw Anning,“ flüfterte hei mit einmal, „son lütt nett Hüsken will ick — mi of bugen.“

Anna verfierte sief binah äwer dei Dgen, womit hei sei anseh, begrep sief äwer rasch un säd: „Na, denn Glück tau, Heinrich! — un hier gahn nu un' Weg' uteinander;“ geew em dei Hand un säd Adschüs.

„Nu all Adschüs?“ flüsterte Heinrich werre un höll ehr Hand noch fast, bet sei sich mit Gewalt losmafte.

„Doe kamen Lüüd, Heinrich,“ säd sei; „grüß Din Mudding of!“

„Du Din Döllern of!“ un dormit güng jeder sinen Weg. Heinrich sehg sich noch woll 'n pormal üm un freute sich, wie dei Diern so lichtfüutig dorhen güng; bi ehr schottisch Jack un 'n eigengemakten Rock sehg sei gornich ut as 'n gewöhulich Dörpfkind.

Aming äwer höll sich gornich up un dreichte sich of nich einmal werre na em üm.



## IV.

### Wie Anning tau Hus keem un von ehr Reif vertellen müßt.

Etwas upgeregert un mit heite rode Backen keem Anna tau Hus. Dat sehg of Mudde glif, as sei man na deiß Stuw rinpeddte. „Na, Du bringst woll gaude Nahricht?“ frög sei deshalb ehr entgegen.

„Ja, Mudde,“ säd Anna, „iç biin richtig annahmen, un tau Ostern sall iç tautreffen!“

Widdewil wier of Fosten Badde von bei Arbeit tau Hus kamen un tred inne Stuw rin. „Na, Diern, wo ist!“ frög hei, „büst schier worden mit Din'n Förster?“

„Den Förster sühwst herow iç gornich seihn,“ säd Anna; „äwer dei Fru Försterin wier sihr fründlich gegen mi!“

„So vertell doch man wiere!“ föll Mudde dortwischen.

„Ja, wat is doe veel tau vertellen;“ meinte Anna. „Dat Hus sünn iç bald un as iç doe driest uptau güng, keemen mi 'n poe lüüt scheinbeinte Deckels entgegen tau bleken. Haha, dacht iç, blek ji man; iç biin nich bang, un as iç's lockte, frenten sei siç un wackelten achter mi her.“

„Bon dei Hun'n wier't nu woll 'naug!“ brummte Badde.

„Fru Försterin wier ganz allein inne Käf un schellte Kartüffeln!“ süng Anna werre an. „As ick seggt harr, woriim ick kamen wier, sehg sei mi so iurrig an un antwurte tauerst gornicks, dat ick't binah mit dei Angst freeg. Doch duerte dat nich lang. Bald müßt ick bi ehr sitten gahn un vertellen ehr von tau Hus, sei frög na Badde un Mudde, wat dei maken deden.“

„Ne, dat is jo woll nicht mägellich, Diern,“ reep Josten Mudde; „na mi het sei fragt? un ick kenn dei Fru doch kum!“

„Nu don,“ vertellte Anna wiere, „meinte sei, ob ick woll'n beten Tied harr, denn süll ick ehr swin 'n poe Kartüffel afhelfen. Dat ded ick jo nich mihre as giern. As ick woll kum 'n halw Stieg afharr, frög sei mit'n mal, ob ick ehr nich 'n beten Holt 'rinhalen wull, sei wier man ganz allein tau Hus. Ick leep also fix ut dei Döhr, dei Tackels wackelten werre achter mi an.“

„Dat is äwer doch putzig!“ süng Josten Badde an tau wunnern; „kriggt dei Frau Di glik anne Arbeit, wo Du Di doch blot vermeiden wußt!“

„Dat süllwäg dacht ick ok,“ säd Anna, „äwer sei wier doch so nett un orndlich dorbi, as wenn't all's so sien müßt. — Den Holtplatz harr sei mi ganz genau beteikent, dat ick em glik sinnen kinn. Eben wier ick indes inne Käf, don sprüing sei up un leep ok ut dei Döhr, wo ick just herrin kamen wier. Flink set'te ick mi werre uppen Hücker un schellte wiere.“

„Ne, min Döchting, so is't nich gemeint!“ reep sei glik dorup; „dei Kartüffeln krieg 'ck nu woll allein af. Du heft den wieden Weg maßt un mößt nu erst 'n beten geneiten!“

„Du sädst doch, sei süll sick kein Uemständ maken!“ föll Mudde dortwischen.

„Natürlich säd ick dat un bedanke mi veelmal. Aewer doe keem ick schlecht an. „Ah, wat eten tau herwen, kümmt Keine von unsen Hof,“ säd sei, „un wenn Du doch in Taufunft bi mi deinen wist, möst Du erst wat eten!“ Also hülp dat denn nich. Ehre ick't mi verseh, harr sei 'n poe Boddebröd sieden un 'n Glas Melk dorbi hense't.“

„Du erst doch nich bei beiden Snäden up, Diern?“ frög Mudde ängstlich.

„Wo künn ick dat woll? Du weist doch, dat ick so wie so kein'n scharpen Brodeter bün. Ick et also flink dat lüttste Stück dorvon, drümf bei Melk geswin'n achter an und dachte bi mi in minen Sinn: wier'st Du doch man tau Haus blewen; denn von't Vermeiden un wat ick woll bi ehr tau dauhn herwen würd, wier noch kein Spierken bei Red west. Eben dacht' ick doran, wie ick woll up 'ne schickliche Art werre weg kamen künn; don sprüng bei Frau mit einmal up, föt min beiden Hän'n an un sehg mi dorbi so recht fründlich inne Dgen: „na, Anna,“ säd's, „dat freut mi, dat Du tau mi kamen wist, Du jaht mi sihr willkamen sien. Aewer den Bohn sprek wie hüt nich wiere; Du friggst soveel, dat Du tofreden hüft, un im Aewrigen warden wi sihr gaud mit einanner farrig. Kumm also ganz getroßt her, wenn't sowiet is. Un nu gah mit Gott un grüß Din braven Dellern of!“

„Is mi dat äwer doch 'ne snurrige Fru!“ platzte Jost herrut.

„Ja, so möcht' ick of woll seggen,“ säd Mudde; „wenn Du doe doch man mit farrig wardst.“

„So müßt ick anfangs jo of denken,“ säd Anna; „äwer as sei mi taulegt so fründlich in dei Dgen seh, wier alle Furcht un Sorg' weg.“

„Na, verheirath't hüft Du jo of nich mit ehr,“ fügte Jost hentau, „wenn't denn nich wiere will, lett sief jo of werre davon aftamen!“ —

Nu keem of Wilhelm herrin; hei harr't all uppe Strat hürt, dat Anna werre tau Hus wier. „Na Diern,“ reep hei, „heft Du denn of Exam maken müßt?“

„Ei wat Exam!“ schüll Mudde, „doe gah hen un hal Writ tau Hus, dei hett sich gewiß bi Klajens Mine verklänt, ore wo sei sünst steken mag; gewöhnlich weit sei kein Wurt tau maken, un nu is sei all äwer 'ne halw Stund weg.“

Wilhelm wier dat gornich mit, dat hei glück werre utschickt würd, hei harr doch tau giern mihre fragt; äwer — — „na, ick krieg't doch noch tau weiten,“ tröstete hei sich un gnurrte sich ute Döhr.

Doch dei Jung harr so unrecht nich, denn Anna harr wirklich up ehr Art Exam mak, sei wuß't man nich.

Wenn dei Fru Försterin nämlich 'n Mädchen meidte, denn geew sei ehr gewöhnlich dreierlei up tau dauhn, dornah wußte sei denn, ob sei's brufen künn ore nich. Dorüm harr sei Anna tauerst bi't Kartüffelschellen kregen, un wil dat so fix güng un sei doch so dünn schellte, sehg sei, dat sei sporsam wier. Bi dat Holtthalen sehg sei blot na, ob glük in den Hümpel midden herrin grepen wier, ore ob all's vörsäutsch wegsammelt würd; wenn dat Mädchen of dei Spön' un Riif mitbröcht, denn wier sei gewiß sihr orndlich un sporsam. — Dei Hauptprüfung äwer wier dat Eten. Güng dat of recht fix un flink, denn wußte sei, dat sei nich so langsam wier, un — denn meid'te sei's gewiß. Dit wieren dei Fru Försterin ehr drei Teiken un sei behauptete, dat sei dormit noch nie mit bedragen wier.

Nu harr Anna blot noch von den Taurüggweg tau vertellen, denn uppen Lan'n, wo dat Lewen in'n ganzen sihr einförmig is, interessiert jede Kleinigkeit, un jedes Erlebnis ward gewöhnlich mit grote Utsführlichkeit verhandelt. Anna

vertellte denn of von ehr Taufamendrapen mit Heinrich Willmoßs, äwer lang nich so utführlich, as wit't all weiten; sei dachte so ganz bilöpig doräwer weg tau gahn, bestellte sin Grüß', un dormit süll dat gaud sien. Ganz so ilig güngt äwer doch nich, denn — eben wieren Mriken un Wilhelm herrinkamen, dei't uppe Strat all vernahmen harren, dat Heinrich un Anna tausamen ankamen wieren.

„Wie wiet sünd Zi denn tausamen gahn?“ frög Mudde.

„D“ — wesk Anna ut — „as ick all 'n ganz En'n von dei Försterie af wier, keem hei achter mi her.“

„So, — kennst Du em denn glif? Hei is doch all 'ne ganze Reihg von Johren weg, — un wo süht hei denn eigentlich ut?“ frög Mudde.

„'t fall'n gladden Kierl wesen!“ säd Wilhelm.

„Ja,“ föll Mriken dortzwischen, „Schweedten Franz het em of seihn, dei säd man, dat hei gornich as 'n Murer utseh; dat harr em orndlich vörnehm laten.“

„Nu, dat süll mi nich wunnern,“ meinte Mudde, „wenn eine so lang' in Hamborg west is, denn kann man em den Murer woll nich mihre anseihn.“

„Wat Patentes harr hei all ümme an sick!“ smet Jost dortzwischen.

„Du seggst jo gornicks, Diern!“ wendte Mudde sick an Anna, „woans het hei Di denn gefallen?“

„Dat is of wohr,“ säd Badde, „inne Schaul harr Zi dat jo ümme sihr dick tausamen!“

„Ach,“ meinte Anna, „wat ist doe veel von tau seggen, hei harr so veel tau fragen un tau vertellen, dat taum Riken gorkein Tied äwerbleew; ick müßt em von sin Mudde —“

„Wat mag hei hier denn anfangen willen,“ grüwelte Josten Mudde; „het hei Di nicks dorvon vertellt, ob hei

blot taun Besäuf kamen is, ore ob hei vielllicht ganz hier bliwen will?"

„Nower Anning wier nich mihre doe, sei harr sich bi-  
lütten sacht herrute slegen, in dei Hoffnung, dat na 'ne  
Biertelstund dit Thema gewiß vergeten un von wat Anners  
spraken würd', un dorin harr sei sich nich irrt, denn  
as sei werre 'rin keem, würd an Heinrich Wilmohs gornich  
mihre dacht.“



## V.

### Wat Wilmohsen Heinrich siß mit sin Mudde vertellte un wie hei dei ollen Frün'n besöchte.

Anne rechte Sied von dei grot Deel bi den Radmake wier noch 'n lütt Stümken mit ein noch lüttere Kamer, dat süll eigentlich 'ne Ollendeilswahnung sien, wil äwer kein Ollen doe wieren, harren dei Sniderlüb all männig Johr un Dag dorin wohnt. As nu uns' Herrgott bi den ollen Meiste tau Hus kamen wier, wat na Menschen Gedanken allmal tau tiedig gescheg, denn dei Jung wier kum insigent worden, wieren Mudde un Sähn dorin bewahnen blewen. Heinrich wier woll ünne Sorg un Mäh heranwussen, äwer dorför of 'n düchtigen Kierl worden. Doch harr dei Jung kein Sittfleisch hadd, dorüm wier't mit dat Snidergeschäft nicks west, em harr ünne dei Murer in'n Skopp steken. Mudde harr lang dat Wedderpart hollen un em so giern up den Disch rup snacken wullt; don läd' sück dei Radmake dortwischen in säd: „Wilmohsen Mudde, ick will Ehr wat seggen, mit dei Snideri dat is nicks un dat ward of nicks; wo eine Lust tau hett, dat möt hei warden!“ Dit harr den Utslag gewen.

As hei utliert harr, stünn sin Sinn na Hamborg. „Doe ward veel Geld verdeint, dat weit ick,“ säd hei, „un wenn ick orig wat tausam herow, denn kam ick werre!“

Nu wier ehr<sup>2</sup> Heinrich würrlich werre doe, seet bi sin Mudding in ehr lütt Stüvken un vertellte all's, wat sei weiten wull.

„Dat mi doch erst dei Lamp ansteken, min Sähn,“ säd sei, „dat wi uns doch in dei Dgen seihn können.“

Dei Lamp brennte un nu güng dat Vertellen noch einmal so gaud.

„Ne, min Sähn, ick freu mi tauveel, dat Du kamen büßt un dat Du so gesund utsühst,“ säd Muddde; „son Murers, weißt Du, dei — —“

„Seihn oft so verkamen ut, wist Du seggen,“ föll Heinrich ehr inne Red, „un doe hest Du of so Unrecht nich; äwer denn harr ick mi jo för Di un unsen Herrgott schämen müßt.“

„Segg, min Sähn, büßt Du denn of öfters nare Kirch gahn, as Du dat hier gewöhnt wirst?“

„Nich all tau oft, Muddde, dat möt ick leider bekennen. Dat Lewen in son grot Stadt is tau unruhig un wirkt so zerstreund uppen Minichen, dat man selten tau sich jülvost kümmt.“

„Äwer dat giwvt doe doch of Kirchen, so as hier?“ frög sei.

„Gewiß deiht't dat, äwer man möt in dissen Punkt all sihr fast sien, sünst is man verweicht, dei Versüührung is tau grot.“

„Weißt Du noch, min Sähn, wat ick Di bi't Weggahn säd, Du süst ümme flietig an unsen Badde denken, wenn dei Versüfung grot warden wull?“

„Ja, unſ' Badde, dat is wöhr, dat wier 'n ganzen Mann,“ betügte Heinrich, „dei wüſt, wat hei wull!“

„Un hei wull ümme, wat recht un gaud wier, dat hei eins mit gauden Gewiſſen ſin Dgen tau dauhn kün;“ fügte ſei hentau.

„Ja, ſo as dei ute Welt gahn is, wull ick of giern eins rutgahn,“ ſäd Heinrich.

Mudde antwort'ete ditmal nick's, äwer ſei freute ſick, dat dei Sähn ſo von ſinen Badde red'te. Nu ſtüm ſei ſtill up, un in Vörbigahn ſtrakte ſei em äwer dei rugen Backen.

Heinrich vertellte denn wiere, wie hei ſick vörnamen harr, nu ganz hier tau bliwen. „Solang', bet unſ' Hüſken farrig is, möten wi frilich woll in diſſe Wahnung bliwen,“ meinte hei; dorbi leet hei ſin Dgen an dei Wänd' herrüm gahn. „Segg mal, dei Radmate het jawoll in all dei Johren, dat ick wegweſt bün, nich einmal utwitten laten?“ frög hei.

„Ach ne, doe heww ick nie von ſeggen mücht, un von ſülwſt het heit't nich dahn!“

„Un wi undicht dei Finſter ſünd,“ fügte Heinrich hentau, „doe kann man ja bequem dei Hän'n dörchſteken.“

„Doe heww ick erſt recht nick's von ſeggt, denn dei groten Faugen hewwen of ehr Gauds hadd.“

„Dei hewwen ümme ſchön friſch Luft gewen!“ ſpot'te Heinrich.

„Ach ne,“ berichtigte Mudde, „dat nich allein, as ick verleden Winde ſo ſihy krank wier, dat ſick keine recht üm mi bekümmern wull, is Abend vör Abend 'ne Hand dordörch kamen, het ſick dat Finſter von buten apen maft un mi jedesmal 'ne lütt Erfrischung herrinne langt. Bald wier't 'n

Köppken mit Saft, ore jänt Melk, ore of mit Kaffee; ick segg Di, min Sähn, dat het mi gaud dahn.“

„Un heft Du nie erfahren, wat dat vör 'ne Hand wier?“ frög Heinrich.

„Gewiß heww ick dat, denn as ick werre beter würd, keem sei dörch dei Stuwendöhr, natürlisch nich dei Hand allein, ne, dei ganze Person, un dat wier — Josten Anna.“

„Josten Anning!“ reep Heinrich. „Wo ick't nich dacht heww, wer —“

„St!“ makte Mudde, „nich so lud, min Sähn, dei Wänd hewwen männigmal Dhren; man kann nich weiten —“

„Lat sei hewwen, Mudding, wat wi hier sprekten, kann jeder hüren. Süh, ick heww Di noch gornich seggt, dat ick hüt 'n Endlang mit Anning tausam gahn bin. Wi hewwen uns dorbi eins orndlich werre in dei Dgen kelen.“

Doch Mudde anwurt'te nicks, sei sehg so nadenklich ehren Sähn an, dat em dat upföll. „Hest Du viellicht wat gegen dat Mädchen?“ frög hei endlich.

„Wie künn ick woll wat gegen ehr hewwen, givwt dat doch in ganz Kohlshagen kein beteres; äwer ick heww so min Gedanken; doe fall noch 'n riken Better ore Unkel sien, dei up ehr luert, un hier löppt dei Franz sick jarvoll dei Hacken af, also —“

„Also, meinst Du, is för mi armen Jungen woll nicks tau hoffen?“ föll Heinrich in.

„Jek dacht' sowat,“ säd Mudde; „Jost's sünd jo nich blot sihr orndliche un flitige Lüüd, dei wat vör sick bröcht hewwen; sei hollen dorneben of noch up Gotts Wurt, gahn flitig tau Kirch; dat is all woehr, äwer mit dei Kinner, vör allen mit Anna, will'n sei woll'n beten hoch herrut; sei fall

nu na bei Försterie as Stubenmäten, naher fall sei kafen lieren, in Handarbeit is sei fix, benehmen kann sei sich of, also —“

„Dat sünd jo schlichte Utsichten!“ föll Heinrich werre in, „indeß, ganz so slimn ward't woll nich sien, denn wat den Franz anbedröppt — den nimmt sei nich, bei fall jo supen, un dei Better ore Untel fall mi nich grugen maken, den kenn ick nich; wenn alle Sträng' riten, denn herwo ick ümme noch min Mudding, dei mi nich verlett, denn treck wi beid allein in't nige Hus un lewt tausam in Frieden.“

„Uns' Herrgott ward't woll reihgen, as't am besten is!“ fügte Mudde hentau.

Heinrich tröck sin Uhr ute Tasch: „Den Dausend!“ reep hei, „wo is dei Tied blewen? Wi möten tau Bedd gahn, dei Klock geiht all up twölf, un Du büst gewiß sühr mäud!“

Während dei jung Minsch bald in sien lütt Kamer fest slapen ded, läd sin Mudde sich in ehr Bedd von ein Sied up dei anner un dachte woll noch teihmal all's werre dörch, wat spraken wier. Dat wier doch tauweel mit einmal, wat ehr Hart bewegte. —

Am annern Morgen wier Heinrich all tau rechte Tied inne Bein un wil em dei Kamer tau eng würd, harr hei sich still herrute slegen un stünn in'n Goren ümher. Blaumenwart wier nich mihre doe, sülvst dei Afern, wo sin Mudding so veel up höll, wieren all verbläut; äwer jeder oll Straf, dei hier stünn, interessierte em, harr sin Mudding em doch plandt; un denn dei ollen Appel- un Beerböm, wo hei vör Johren in herrümkladdert wier! Ach, hei kente sei jo alltausamen. Dorbi leet Heinrich sin Ogen ümhergahn, sehg in dei annern

Goren, sehg of herräwer na dei Rawershüser, harr vör allen giern of Jostens Hus seihn — don reep em sin Mudding taum Kaffeedrinten. — Awer dornah höll em dat nich länger. „Ick möt erst mal hen un all dei ollen Frün'n Gundag seggen,“ säd hei; dormit greep hei na den Haut, säd sin Mudde Abschüß un güng.

„Täuw of nich so lang!“ reep Mudde em noch na; äwer hei hörte't kum nihre, so hild harr hei dat. Dit Gefühl, dat hei werre tau Hus wier, makte em so uterordentlich glücklich, dat hei manches Unangenehme un Trübselige, wat hei früher of woll oft genaug genaten harr, heil un deil vergeet un sich hüt blot an dat Gaude erinnerte. Heinrich güng von Hus tau Hus, kein Döhr würd äwerslagen, doch höll hei sich nirgends lang' up; hei wier ja sünst nich rund kamen. Bi den Pastuern, wo hei anfüng, durte dat woll etwas länger, ebenso of bi den Röver, doe leet sich so fort abbreken.

Von hier güng't hen na Jostens. Dat Hart würd em doch puffern, as hei in dei Döhr rin tred. Wie Anning sich woll stellen würd, dachte hei. — Dei Bändner wier nich tau Hus, hei dreep Mudde mit dei beiden Döchter allein inne Stuw.

Mudde würd natürlich tauerst begrüßt, dornah Wriken un tauleht Anna. Sei sticte sich ganz rood an, as sei em dei Hand geew, un Heinrich würd binah verlegen; doch begreep hei sich, güng nah't Finster un wunnerte äwer dei hübschen Blaumen, dei doe stünnen. — Dit geföll Josten Mudde, denn sei hörte't giern, wenn eine ehr Blaumen lawen ded. Heinrich rök an den Goldack un meinte, dat wier doch ein von dei schönsten Blaumen, dei hei kenne.

Anna lachte in'n Stillen un dachte: „Wat hei woll an dei oll krüppeliche Plant tau rüken het;“ Wriken äwer säd

grad' rut, as ehr Mod wier: „Dei Blaum rückt jo gornich mihref; ick mücht woll hören, wie't in Hamborg utsüht!“

„Doe wier woll nich veel von tau seggen,“ meinte Heinrich. „Dat Hamborg 'ne grote Stadt wier, wüßte sei woll von allein, un dei Lüüd? nu, dei harren't vör gewöhnlich sühr hild un leepen un rönnten bi tuerwis', as wenn ehr dei Kopp brennte.“

„Doe müßte uns' Wriken 'n beten hen,“ smeet Anna dortwischen, „dei mag of so giern lopen!“

„Dre of uns' Anning!“ säd Heinrich, un sehg ehr dorbi eins fründlich in ehr Dgen. „Sei glöwen nich, Fru Zosten,“ wendte hei sick flink an Mudde, „wie Ehr Tochter fix tau Faut is; ick harr gistern 'naug tau dauhn, dat ick sei werre inhalt kreeg.“

Mudde lachte un sehg na Anna hen.

„Ja, ick süll woll lopen,“ meinte Anna, „künn ick doch nich weiten, wat vör'n Bundesbrauder achter mi her tau singen keem.“

Hier würd nu noch woll'n beten hen un her spraken, doch säd Heinrich nicks von sin Husbugen un freute sick, dat of Anna nich daran erinnerte. Bit't Abschüßseggen müßte Heinrich verspreken, dat hei bald eins werre kamen wull, wenn Badde of tau Hus wier. Dit versprök hei sühr giern, fügte of noch hentau, dat sin Mudde sick sühr freuen würd, wenn Anna ehr bald eins werre besöchte. Dit makke dei Diern noch einmal rod, doch zierte sei sick nich wiere un geew em werre truhartig dei Hand. —

Mit dei annern Besänke würd Heinrich flinke farrig, as hei dacht, blot bi dei Buern durte dat länger, dei süllen em jo behülpflich sien bi den Bu, doe müßte doch äwer spraken

warden. Bi Schweedten frilich würd't woll nich veel nützen, denn den sin Mähren sehgen so jämmerlich ut, dat man ehr woll nicks an'n Sinn sien künn. Dei Mannslüd wieren bi't Döschchen, as Heinrich na dei Deel rup keem. Ob sei all werre drändun wieren, ore ob sei äwerhaupt kein vernünstig Wurt tau spreken wüßten; Heinrich verstümm't nich. Ordinär und klasig wieren sei frilich ümme west.

„Na Hinnerk,“ fohrte dei Du los, „büßt Du den'n orndlichen Murer worden?“

„Dat möt'n wi mal erst seihn!“ antwurt'te Heinrich.

„Dat is of wohr!“ reep dei Du un lachte. „Franz, doe buten vör'n Duhr liggt Leihm, den hal her, hei kann uns hier dei Wand utflücken.“

Franz griente un meinte: „Am besten wier't west, Du wierst Snider worden, denn harrst hier glif min Jack utbetern künn!“ dorbi wiste hei em sinen terretenen Aermel.

Heinrich verstümm em, as Jung harr hei em ümme mit den Snider narrt: „Snider wupp, wupp, wupp; setten Flicken up;“ dat harr den Bengel männig Dracht Prügel indragen. Nu füng heit't so an.

„Ich will Di wat seggen,“ säd Heinrich, „dat würd wenig nützen, mit son olle Lumpen is doch nicks Vernünstigs antaufangen!“ dormit dreihete hei sich üm un güng inne Stuw. Schweedten Mudde leet sich nich giern seihn, also seet hei 'ne Tiedlang bi Großmudde vör't Bedd un leet sich von ehr Krankheit vertellen. Bör manchen Minschen is't ne grof Erlichterung, wenn hei sich eins utklagen kann.

Dei annern Buern wieren all sihr fründlich un nett, un as Heinrich endlich mit dei Sprak herrutrückt wier un ehr seggt harr, wat hei eigentlich wull, verspröken sei em up dei

Reihg ehr Hülp, wenn't so wiet wier. Oll Buer Brümmer meinte: „'n Murer fän'n wi hier grad noch brufen, un wenn Du man erst jülwst ünne Daek un Jaek büßt, mößt Du mi glif 'n nigen Backawen maken; ore hest Du jon Arbeit in Hamborg nich liert?“ frög hei.

„Wenn in Hamborg sonne Backawen of nich set't warden,“ antwurte Heinrich, „so will'n wi em doch woll farrig kriegen!“

Am Abend meinte hei tau sin Mudding: „Dit wier werre 'n Dag! Morgen is't nu Sündag, denn gah wi na dei Kirch, un äwermorgen gah ick tau Stadt, denn will ick't mit den Platz inne Reihg bringen.“

„Worüm so ilig, min Sähn?“ frög sei. „Du künnst jo noch in alle Ruh 'n poe Wochen bi mi bliwen!“

„Altaweel Ruh döcht för'n jungen Minschen nich,“ meinte Heinrich, „för mi sünd dei fulen Dag' gornich.“

Am annern Morgen güng hei mit sin Mudding tau Kirch. Hier seet hei so recht still un andächtig up sinen ollen Platz, wo hei vördissen so männighmal mit Badde un Muddde tausamen seten harr. Doe vör em stünn dei Döpfstein, wo hei as lüttes Kind ut döfft worden wier; dei Altar, an den hei insigent wier, un up dei Kanzel dei oll Paster, dei noch in vulle Kraft Gott's Wurt predigte. Nu fäuhlte hei sich erst richtig tau Hus, un't stürte em gornich, dat hier un doe dei Lüüd flüsteren: „Doe sitt Sniders Heinrich bi sin Muddde, un fik mal, woans em dat statschen lett mit sin swarten Boert; hei is of nich 'n beten stolz worden!“

Bi't Herrutgahn drückte hei noch still männigeinen dei Hand; don äwer güng hei erst mit sin Mudding na Badde

sin Graww, üm dat tau beseihn. Wat äwer heit'te dit? Doe leeg 'n ganz frischen Kranz up von Buschbom mit Goldlaken un Rosen. „Bi disse Johrstied noch Blaumen? Wer kann den hier henleggt hemwen?“ frög Muddé.

Heinrich säd nickß, doch slög hei flüchtig 'n Blick up dei Kirchlüd, dei vöräwer güngen, dorbi föll sin Dg up Anning, dei em fründlich taunicte. Nu wüßte hei gewiß, wer den Kranz up't Graww leggt harr. Hei plückte sich still 'ne Ros' dorvon un steek sei sich in't Knoploek.

As all dei Lüd sich verlopen harr'u, güngen sei of tau Hus.



## VI.

### Jost's kriegen Besäuf un wat dei wull.

Dat wier nu all in dei tweede Woch na Nijohr. Snei leeg woll vör alle Döhren, äwer doch nich soveel, dat man gornich dörchkamen künn. Dorbi wier't ganz rechtichaffen kolt, dat man am leiwsten sich inne Stuw uphöll un bi'n warmen Uwen seet. Don gäng mit'n mal dat Gerücht dörch't Dörp: „Jostens hewwen Besäuf kregen.“ 'n jungen slanken Minschen mit'n groten Foßboert un 'ne öllerige Fru süllen' sien, un sei wieren mit'n ganz netten Stäulwagen ankamen. Sowat maft in'n Dörp, as Koblshagen wier, ümme Upseihn, un 't würd veel doräwer judiziert, wer dat woll sien un wat't woll tau bedüden hewwen künn. Doch den eigentlichen Grund kreeg vörerst noch keine tau weiten, sülwost Wriken un Wilhelm künnen sich keinen Bers dorup maken. Soveel wüßten sei woll: dei Fru, dat wier Tanten Köse, Mudde ehr Swester, un dei jung Minsch wier ehr Sähn Korl. Awer wat wullen sei? dat wier dei Frag', wo Wilhelm sich mit quälte. Dei oll Tanten ded sich fründlich, äwer den Korl müchte keine liden, dei harr sich, as künn hei den Mund nich apen kriegen. Wilhelm wull so giern mit em

anbin'n, hei frög em na dit un dat, wie lang sei von'n Steinkraug her führen müßten, un ob sei ok dörch Swerin kamen wieren; äwer Dorl farrigte em gewöhnlich kort af un keem selten ut den Pierdstall 'rut.

Anna harr sich ok so narisch, so müßte Wilhelm sich an Mriken hollen, wenn hei 'n Wurt snacken woll. „Entweder hei is man dumm, dat hei dat Mul nich updeiht, oder hei hölt mi för dumm,“ klagte dei Jung; „ick will't äwer woll noch herrutbringen, worinn sei in disse Johrstied in'n Lan'n ümher kutschieren.“

„Lat em doch düsen,“ säd Mriken: „sin Mudde is desto fründlicher!“

„Sei hewwen sich äwer jünst nich üm uns kümmern,“ meinte Wilhelm.

Indem keem Anning ut dei Stuw un höll sich dei Schört vör't Gesicht. Wilhelm reet sei ehr weg un frög: „Du hest weint? Will'n sei Di denn wat?“

„Ach lat mi!“ stehnte Anna un güng still in dei Käf.

Mriken äwer sleek achter ehr her. „Du,“ säd sei, „dei Brummboert sall Di friegen! Is't nich so?“

„Ach, lat mi taufreden!“ stehnte Anna werre, „wer het Di dat denn seggt?“

„Nu heww ick 'rut!“ keem Mriken bi Wilhelm an: „dei Fokboert will un' Swager warden!“

„Du büst jowoll nich klau!“ schüll dei Jung, „dei Pierl kann sich wat hausten laten, dei sall un' Anna nich hewwen, denn bün ick ok noch hier!“

„Sei ward't Di ok woll erst fragen!“ bemerkte Mriken. „Du künst äwrigens beten sachte spreken, dat kann hei — dorbi wiste sei na den Pierdstall hen — jünst ja hören.“

„Lat em hören!“ schüll Wilhelm wiere, „denn deiht hei viellicht dat Mul mal up.“

Dei Kinner harren äwer würrlich dat Richtige drapen, denn inne Stuw würd eben bei Saß verhandelt.

„Worum will'n Si dat Kind 'n Fröm'm gewen!“ harr Tanten seggt. „Süh, unſ' Korl is doch 'n anseihulichen Minschen; wenn hei of nich veel Würd maken kann, so het hei doch ein gaudes Hart.“

„Dat is all recht gaud, Swiegerin,“ säd Jost; „äwer bei Diern mag em doch nich liden, dat het sei doch rund herrut seggt. Un verdenken kann ick ehr dat nich, denn wohe is't: hei het noch kum drei Würd mit ehr spraken.“

„Dat stille Wesen het hei von sin'n Badde,“ meinte Tanten, „doe kann hei nich för!“

„Segg doch, Swester, wi sünd Si mit'n Mal up unſ' Anna verfallen?“ frög Josten Mudde. „Wenn wi dat harren ahuen künnt, denn harr sei sich jo nicht erst vermeidt!“

„Ne Heirat hewt all's up!“ säd Tanten. „Wenn Anna man Lust het, denn brukt sei gornich tautotrekken!“

„Dat wier mi äwer sihr fatal,“ bemerkte Jost, „sowat mag ick nich!“

„Dat geht of nich, Swester,“ bestätigte Mudde. „Unſ' Anna is taum Heiraten erstens noch riklich jung, un denn is ehr dat of dörchut nödig, dat sei sich wat bi fröm'm Lüd versücht, un doe is bei Försterin grad bei Fru dortau.“

„Dat tau jung' giwot sich mit jeden Dag, den sei öller ward,“ meinte Tanten, „un wat bei Wirtschaft anbelangt, dei kann sei bi mi liern.“

„Dat het kein Art!“ behauptete Jost, „doe is Din Wirtschaft tau grot tau, un Anna künnt of von vörnasan in 'ne verkehrte Stellung.“

So würd noch manches hen un her redt, äwer taum richtigen erwünschten Schluß för Tanten keem bei Saß nich. Jostens bleewen dorbi: den Sommer äwer süll Anna up bei

Försterie bliwen, naher leet sich vielleicht wiere dorvon spreken. — Mit dissen Bescheid müßte sich dei Besäuk tofreden gewen; un as sei sehgen, dat wiere nicks tau maken wier, kutschierten sei werre af. —

„Dit kümmt mi nich gaud vör,“ säd Jost tau sin Fru, as sei allein wieren; „wenn doe man nich sünst noch wat hinner hölt!“

„Ich will Di all's seggen, wat ick weit,“ antwurte Mudde. „Süh, ehr is up ehr Gehöft, den Steintraug, tau Johanni 'ne Hypothek künnigt, un wil sei weiten, dat wi 'n beten Geld hewwt, so meint min Schwester, dat wi, wenn Anna as jung' Fru in't Hus kümmt, dat licht inscheiten würden. So üm anspreken wull sei Di doe nich!“

„So,“ dehnte Jost, „doe will'n wi uns denn doch erst äwer besinnen.“

„Mit dei Diern schient mi dat ok tweidüdig,“ meinte Badde wiere, „dei harr sich jo gortau zimperlich!“

„Dat verdent' ick ehr eigentlich nich; het dei Bengel doch kum teihn Würd mit ehr wesselt. Doch ick glöw, wat ick glöw: un' Anna liggt noch wat anners in'n Sinn.“

„Wat wist Du dormit seggen?“ frög dei Dll.

„Nicks will ick seggen; äwer ick glöw, sei mag den Murer liden.“

„Sniders Heinrich, meinst Du?“

„Ja,“ säd Mudde, „ick weit't jo nich gewiß, seggt het sei mi noch nicks: äwer as hei donmals hier wier un Gundag säd, würd sei mit einmal ganz rod utseihn.“

„Ob sei sich denn all enig sünd?“ frög Jost.

„Ich heww Di jo seggt, ick weit wiere nicks, as wat ick seihn heww!“

„Hm!“ makte Jost, „dei Dierns hewwen ehren eigen Guh, doe ward kein Minsch klauk ut!“

„Ick wull, sei entslöt sück tau den Kork,“ meinte Mudde, „denn keem sei doch glük inne vulle Wirtschaft; besteiht sei dorgegen up den Murer, denn bliwot sei tiedlewens 'ne arme Fru, dei nicks as Last un Arbeit kennt.“

'Ne grot Wirtschaft un 'n bequemes Lewen maft of selten glücklich; dachte Jost, lud äwer säd hei: „Ick will Di wat seggen, Mudde, Du deihst am besten, Du fröggst dei Diern listau einmal un giwotst ehr dorbi tau verstahn, dat't uns natürlich am leiwsten wier, wenn wi ehr nächstens uppen Steinkraug besäufen können, un dat wi's hier nich giern as arm' Murerfru ümherlopen sehgen.“

Dormit müßte Mudde denn woll inverstahn sien, denn sei antwurte gornicks, kratzte sück blot von ungefähr achter dat linke Ohr un güng in dei Käf.



## VII.

### Wie Heinrich dei Tied henbröchte un wat hei för 'ne Freud' harr.

Dei Winde wull dit Johr gorkein En'n nehmen; dat wier jo nich grad bitterlich kolt, äwer dei Snei leeg ünmetau, un männig Arbeiter harr sin leuwe Not. Süßwst dei Sparlings un dei Kreihn müßten sich nah'n Frühling sehnen, denn wil dei Hühner nich uten Stall keemen, würd of buten kein Gasten henstreut, wo sei harren mit taulang'n künnt.

As't in'n März endlich richtig updäuhn ded, keem werre frisches fröhliches Leven inne Natur. — Willmohsen Heinrich wier dorgegen dei Tied nich eins lang worden. All vör Winachten, bald dorup, as hei in Kuhlshagen ankamen wier, harr hei dat mit den Buplaß in Ordnung bröcht, un — so wie dat farrig wier — füng hei an tau teifen, einen orndlichen Riß, wonah hei bugen wull. Un as hei't man erst wüßt', wie all's warden süll, füng hei of glif an, up den Plaß tau graben, tauerst den Keller, dei süll recht gerüimig warden. Dei Buern führten Stein un Holt herran, un wenn jichtens apen Weder wier, denn muerte Heinrich un arbeit'ete an dat Fundament herrüim. Hei hastete fast

noch duller, as wenn't in'n Accord gung, un ein jeder, dei dat sehg, wummerte sick, wie dat ut dei Erd 'rut, wüff. Männigein von dei Nawerslüd wanfte dor vörbi, blot um em tautoseihn un sin Schälung tau seggen: wie dit woll müßt, un woans dat noch woll beter tau maken wier. Schweedten Franz dorgegen leet sick nie nich seihn, dei söchte em hier un allerwegen ut den Weg tau kamen. Heinrich wüßte twors nich, dat hei em je dat Water fläumt harr: also leet hei em lopen. Wat künn hei denn of hewwen, dachte hei. —

Des Abends seet Heinrich denn bi sin Mudding un vertellte ehr von Hamborg, wat sei ümme noch giern hürte.

Denn eins keemen sei of up dei ersten Johr in Koblshagen tau spreken, von Badde, wie hei ümme so stitig un in sinen Gott taufreden west wier.

Männigmal sehgen sei of in dei Taufunft, dei Heinrich sick as dat höchste Glück utmalte; sülvst Mudde, dei sünst sihr vorsichtig wier, freute sick sihr dorup.

Dei lütt Wahnung bi den Radmake sehg jo nu all ut ganz anne Dgen, as Heinrich sei andrapen harr; hei harr sei nämlich glif up sin eigen Kosten etwas utbetert, orndlich utwit't un dei Fenster dicht maht; ärver 'ne elendigliche Wahnung bleewt doch man. Wie ganz anners süll Mudde dat vörkamen, wenn sei erst in't nige Hus wahuten. „Doe triggst Du natürlich of Din lütt Stuw för Di,“ säd hei; „dei mößt Du hewwen, wenn Du 'mal allein sien wist, dei meiste Tied mößt Du ärver bi mi sien.“

Mudde hägte sick denn woll un wier mit all's taufreden. Ach sei wier jo glücklich, dat sei ehren Sähn bi sick harr un wünschte nu nicks mihre, as dat ehr Herrgott ehr noch ein poe Johr dat Lewen schenken möchte, dat sei sick an sin Glück erfreuen künn.

Af un an güng Heinrich of eins tau Dörp; dat geew mit dei Buern, dei dat Führen dauhn müßten, oft veeles tau bespreken. So harr hei of mal werre bi Schweedten Großmudde inseihn, dat dei sich eins orndlich utlagen künn. „Ick möt tau un tau veel Not liden, min lütt Sähn,“ jammerte sei; „Du glöwst un glöwst nich, wi häßlich min Kinner gegen mi sünd. Wo männigen Dag geiht hen, dat ick nich Ratt ore Drög krieg!“

Heinrich wüßt' nich recht, wat hei hiertau seggen süll; dat dei Dllsch dat nich gaud herwen künn bi dei Lotterwirtschaft, wier mihr as gewiß, also sweeg hei, wenn't irgend angüng, giern still. Dat stüerte Großmudde of gornich, sei vertellte von sülwst wiere.

„Ick segg un segg Di, wenn min lütt Anning nich ümme as ein Engel för mi sorgt harr, denn leeg ick jowoll all längst uppen Kirchhof.“

Dit künn Heinrich doch nich ganz still verwinden: „Ah, dei!“ makte hei.

Großmudde sehg woll eins flüchtig na em tauhöcht, äwer sei vertellte glik wiere: „Ja, dei kümmt nu woll nich werre; dei Franz — as ick man hört herwo — sall sei anspraken herwen, un sei het em jowoll 'n Korw gewen. Ick segg Di, ick harr't of dauh. Dei Bengel — hei is twors min' Sähn's Kind — äwer doch'n nicksmüßigen Grotmul; möt hei tau sin Großmudde seggen: ‚Sei süll man upstahn un dauhn wat!‘, as wenn ick hier taum Vergnägen leeg.“

„D, dat kann hei doch woll nich seggen!“ wagte Heinrich tau bemarken.

„Ja, wat ick Di segg, dat het hei seggt! Ja, un wat 'schüht nu? Nu kümmt dei anner, dei grot, Wrik heit's jowoll? un bringt mi af un tau 'n Köppfen Supp — is jo

dankeſwiert genau! — nu paßt hei dei up un dränt mit ehr; dat is äwer'n grotten Swiegeſtill, dei het woll Füßt un Knaken, äwer tau tröſten verſteiht ſei mi nich; dei ſarrigt em fort af, dat hei anne Sied gahn möt.“

Heinrich ſüng dat an, ünne dei Sahlen tau brennen, hei harr all tweimal dei Uhr rut treckt; äwer — wenn Schweedten Mudde nich herrin kamen wier — wer wüßt, wie lang' hei noch harr uthöllen müßt. Großmudde „künn un künn“ dat Snacken nich laten, wenn ſei'n gedülligen Tauhirer harr. — Nu wier hei up ditmal erlöſt.

Of bi Joſtens wier hei einſ werre weſt, Heinrich harr't jo im Anfang verſpraken, dat hei werre kamen wull. Doch höll hei ſik nich alltaulang' doe up, dei Luft harr em nich gefallen wullt, ſei wierem em jo verſtoren un tauknöpt vörkamen. Dre jüll hei ſik dat inbillt herwen? Dat wier bald naher weſt, as dei Beſäut von'n Steinkraug aſreift wier. Süllen dei em inne Quer kamen ſien? Anning harr allerdings ſehr glücklich utſeihn, as hei bi ehr rintreden wier. Worüm äwer leet ſei ſik nich einmal bi ſin Mudding ſeihn? ſei wier doch jünſt doe kamen.

„Du heſt er doch nicks tau Leeden dahn?“ frög Heinrich ſin Mudde.

„Wie jüll ick woll!“ ſäd ſei. „Ick denk mi, dat ſei blot nich kümmt, wil ſei weit, dat Du hier büßt. Süh, 'n jung Mädchen, dat was up ſik hölt, is licht bang, dat ſei in't Gered kümmt; un Anna het mihr Ehrgefühhl in'n lütten Finger, as männig Diern in'n ganzen Liew!“

„Ja, ja; dat is all wohr!“ beſtätigte Heinrich, äwer'n rechten Troſt künn hei doch nich dorin fin'n. So keem dat denn, dat hei am annern Morgen etwas mißvergnäugt an ſin Arbeit güng. Dei arme Miſch! Hei wull jo giern alle Sorgen unſen Herrgott äwerlaten und doch künn hei dei

quälenden Gedanken nich los warden. Ostern keem middewil in't Land, denn tög Auning na dei Försterie un denn? — ja denn schiente em alls ut tau sien.

Dei Arbeit wull em hüt dörchut nich afsacken. Ach, wie unnütz grämt un quält sich oft ein Menschenkind, wenn't nich ganz so kamen is, as hei sich't dacht het?

As Heinrich noch so grüwelte, wie't all so schön harr warden küunt, un wie't nu doch so anners worden wier, doe slög hei wie von ungeföhr dei Dgen up, un — ja, wier't wohr, ore drög em sin Gesicht? — Auning keem leibhaftig den Weg dorhertaugahn, licht und behend', as sei ümme gäng; dicht bi em müßte sei vörbi kamen. — Heinrich makte sich flink wat an dei Strat tau schaffen: ditmal müßte hei eins orndlich mit ehr spreken. Sei wull of ogenschienlich gornich still vörbi, sondern stümm von süßwst still, as sei neben em wier. Wie em dat Hart kloppte! — „Dat freut mi äwer uprichtig,“ säng hei an, „dat Du die of 'mal na mi ümstüß!“

„Min Weg führt hier grad vörbi,“ säd sei, „doe wull ick doch of giern eins seihn, wie Din taukünftig Nest denn utseihn ward.“

„Dat is recht,“ meinte Heinrich, „Du harrst man all längst mal herkamen süßt.“

„Ach Heinrich,“ klagte sei, „wie giern harr ick dat dahn, äwer —“

„Na, äwer?“ frög hei, „wat wier die denn in'n Weg!“

„O, nich grad wat Besonderes!“ lenkte sei af — „un dit sall woll dei Wahnstuw warden?“ frög sei, dorbi gäng sei twischen dei Muern von dat Fundament entlang.

„Dat heft Du drapen,“ säd Heinrich, „un dit hier — dorbi keemen sei an 'ne Trepp, dei na unnen führte — is

dei Keller, woran ick sihr lang' arbeit't heww. Wat seggst Du dortau?"

„Dei schient so recht gerümicg;“ meinte Anna.

„Süll dei Trepp woll bequem sien, dat min — Mudding dorup stigen kann?“ frög Heinrich, dorbi würd hei so tweidüdig utseihn.

„Gewiß is sei dat!“ antwurte sei flink; nu äwer schiente em dat so, as wull sei em ganz geschwind dorvon wutschen.

„Anning!“ bed hei, dorbi stellte hei sick ehr in'n Weg, „bliw wenigstens noch einen Dgenblick hier, gah noch nich so flink werre weg, ick heww Di noch soveel tau seggen!“

„Ach Heinrich,“ flüsterte sei, „Du süst mi man leiwest gornicks seggen, denn wat Du meinst, doe kann doch woll nicks ut warden!“

„So?“ frög hei; „süh, min Dierning, wenn dit Hus farrig is un Du wißt hier denn nich mit mi intreffen, denn wull ick't leiwest gornich bugt hewwen.“

„Wardst Di doch woll na 'ne Amer ümseihn möten,“ säd sei un sehg dorbi trurig vör sick dahl.

„Nie un nimmer ward dat gescheihn!“ betheuerte Heinrich, „segg, büm ick Di vielleicht nich gaud 'naug?“ frög hei.

„Ach,“ klagte sei, „wie kannst Du blot sowat denken; gaud naug? Hest Du't denn nich längst markt, dat min Hart Di allein ganz tagedanig is?“

„Hurrah!“ reep Heinrich, „denn het ja alle Not ein End!“

„Un doch noch nich!“ stehnte Anna, „doe is noch veel in'n Weg!“

„Segg mi all's, wat Di drückt, min leiw Dierning!“ bed Heinrich, dorbi grep hei na ehr beiden Hän'n un tröck sei achter 'n Stapel Muerstein, dat sei achter Aewerwind keemen.

„Ach!“ stehnte Anna werre un sehg dorbi so trurig ut, dat 'n Stein harr erbarmen künnt, „doe is dei Bengel, dei Franz, dei mi allerwegen tau Gefallen lopen is, dat ick nich ut den Hus' gahn mücht; un nu ick em Bescheid seggt heww, dat ick nicks von em weiten will, nu schikaniert hei mi, wo hei kann!“

„Schweedten Franz?“ frög Heinrich; dat wier em jo nicks Nig's. „Dorüm sorg' Di nich, min Anning, mit den will'n wi woll farrig warden!“ Dei Sat schiente em wirklich nich im Geringsten ängstlich. „Wenn Du also wiere nicks hest, dit —“

„Doe is man noch dei Better von'n Steinkraug,“ föll Anna em inne Red', „wenn ick dorvon los kamen künnt, denn wier woll all's gaud!“

„Dei lang' Korl; as Wilhelm doch seggt?“ frög Heinrich.

Anna nickte.

„Segg mal, will'n Din Dellern dat dörchut, dat Du den nehmen jast?“ frög hei ernst.

„Ick glöw nich, dat sei mi dwingen würden, jedenfalls äwer würd ehr't doch sihr angenehm sien, wenn ick ehr tau Willen wier; wenigstens het Madde mi dat klor herrut seggt.“

„Wenn wiere nicks is, den lat uns man getrost sien; ick taum wenigsten bin unbesorgt, nu ick weit, dat Du — diss' lütt Wohnung liden magst!“ jäd Heinrich, dorbi hägte hei sich so recht von Harten.

Un as sien Anning em ümme noch nich recht tröst't schient, fügte hei noch hentau: „Weiß't, wat ick glöw? — Unf' Herrgott kümmt uns noch tau Hülp, dat sich all's tau unsen Wünschen reihgen möt.“

„För dat Wurt dank ic Di besonders!“ säd Anna, —  
„nu äwer lat mi gahn, doe kamen Lüd her, dei sälen uns  
doch nich seihn.“

Dormit drückte sei em dei Hän'u, dei hei noch ümme  
fast hollen harr, sehg em noch einmal recht fründlich inne  
Ogen un — weg wier sei.

Heinrich stünn noch lang' up dei sülwig Sted un sehg  
ehr na — em wier, as harr hei drömt, — doch ne, dit  
wier kein Drom, doe güng jo noch mit flinken Schritten  
Anning — sin Anning! — den Weg entlang, un't keem em  
vör, as schewte sei man äwer dei Erd, so lichtfäutig güng  
sei dorvon.



## VIII.

### Wie Franz sich tröst'te un wie em dat dornah güng.

So vergnügt wier dei Murer lang' nich west, as an dissen Dag, wo hei sin Auning den Husbu harr wisen künn, un wo sei em seggt harr, dat hei ehr dei leiwste Wünsch up Gott's Erdboden wier. Dat Anne müßt sich nu finnen. Mit Schweedten Franz, dat wier em lächerlich. Wat dei sich woll inbillt harr! Sei wier twors 'n Buerfähn — doch 'n recht ruppigen — hei süll eigentlich dei Sted of noch 'n mal kriegen; äwer ob hei dei je kriegen würd? Bet dorhen wier sei gewiß längst dörche Kehl jagt. —

Etwas bedenkliche wier dei Sat mit den Better! Doch Anna harr em jo ganz bestimmt un utdrücklich seggt, dat sei em nich liden künn; also wat denn för Not? Frilich — dei Dellern wullen dat, dei dachten gewiß an dat schöne Gehöst, an dei groten Gelbbütels; äwer — make Geld denn glücklich? Dei Welt glöwte dat; äwer dat't nich wohr wier, harr hei in Hamborg seihn. Doe wier Geld 'naug west un dorbi nicks as Untofredenheit. — Wull'n nu Jost's ehr Kind doch unglücklich maken? Sei güllen doch sünst för so vernünftig! Heinrich künn't un wull't nich glöwen.

Hei güng also — as Fierabend wier — recht taufreden tau Hus. Wat sin Mudding woll säd? Dei müßt hei't doch vertellen, wie dei Saken stünnen, fünst süll natürlisch kein Minsch wat dorvon erföhren.

Willmohsen Muddde hörte denn of all's gedüllig an, wüßte äwer of nicks anners tau bemarken, as wat Heinrich sief all sülwst seggt harr. Doch freute sei sief, dat dei jungen Lüüd sief utspraken harrn. „Nu lat unsen Herrgott denn man wiere maken!“ säd sei. —

Nu wier bilüitten Oftern herankamen un dei jungen Lüüd harren sief noch einigemal — wenn of man flüchtig — inne Kirch seihn un sief of begrüßt. Wiere wier nicks Kennenswertes passiert.

Am tweiten Ofternamiddag — all temlich in'n Schummern — würd Anna mit ehren Kuffert afhalt. — Heinrich stünn as von ungesähr uppe Strat, un wier dorbi von den Kränge bemött worden.

„Wo, Heinrich,“ säde, „Du steihst hier? Du sühst jo ut, as wenn Di dei Peitezill verhagelt is; het dei Diern Di dat of andahn? Dei hett doch männigeinen den Kopp verdreihst! Doe steiht all min leve Schweedten Franz of vör'n Duhr. Ich will Di wat jeggen, kam't man beid mit na minen Hus', doe is schöne Gesellschaft un Zi kriegt anne Gedanken!“

Äwer Heinrich woll nich, hei harr noch wat mit den Radmake aftauspreken, säde. Franz dorgegen leet sief nich lang nöbigen, hei grawwelte quanswi' in sin Tasch, un as sief doe noch 'n poe Penning in sün'n, güng hei munter mit. Von Anna wier kein Red, äwer Franz wier argerlich, dat sei em nich mal anseihn harr, wo sei doch den Murer fründlich tannickte, as hei recht gaud seihn künn.

„Dat's taum Deuwel gahn!“ dacht hei, „dat giwvot noch mihre hübsche Dierns inne Welt.“

Dormit set'te hei sick bi'n Arwen dal, un leet den Kränge inschenken. Hüt müßt' wat sien! 'n lütten gewöhnlichen Fincheljochen föt hei hüt nich an, doe wier hei tau argerlich tau; also neihm hei tauerst 'n düchtigen „Hund“; äwer of dei verslög hüt nicks, so güng hei denn taum Schachtbuddel äwer, dei tög hen.

't wier würrlich 'n Jammer, dat antauseihn, dei junge Minsch. Doe seet hei bi den Arwen mit sin'n ollen breitkremptigen Haut, dei hüng em äwer'n Kopp as 'n gadlichen Regenschirm, dorüner wivagte hei hen un her, as 'n groten Perpendikel, dei nich in'n Stillstahn kamen kann. Apenbor wier em tau Maud, as müßt' hei singen; äwer't würd nicks, hei brumnte blot, so as dei Hummeln dauhn, wenn sei in'n Sommer Honnig fugen.

Endlich stümm hei up un söchte sinen Haut; as hei gewohr würd, dat hei em uppen Kopp harr, schöw hei sachten ut dei Döhr.

„Wat fehlt denn Schweedten Franz hüt Abend?“ frög ein von dei Gäst, „jo dun herw 'ck em lang nich seihn!“

„Ick of nich,“ bemerkte ein anner; „ick dacht' all, dat hei sick dat Drinken nu ganz afwennt harr!“

„Dat is gewiß von wegen dei Diern, dei Fosten Anna, dei em aflopen laten het, un dei hüt na dei Försterie halt is!“ antwort'ete dei Kränge; „wenn dei Bengel man glücklich tau Hus kümmt!“

„Dum Lüd fallen sick nicks taunicht!“ bemerkte noch Eine; dormit wier hier denn Franz of bald vergeten. — Ob hei äwer woll allein tau Hus sünm? Schienen ded't nich so. Wie künn hei of, hei wier sick jo siner Glieder nich mächtig. Hüt harr hei mal sin Mat richtig kregen, un doe

künn hei nu an slepen. In'n Kopp burrte em dat, as seet doe 'n Sparling in, dei nich 'rut kamen künn. „Sitt du man!“ schüll hei un brummte vör sich hen. Sin Bein wieren of wedderdänsch worden, dei wullen gornich as sei jüllen. Ja, wat jüllen sei denn? „Na Sniderhinnerk!“ dat wier eigentlich all's, wat in Franzens Kopp rundüm güng. „Na Sniderhinnerk!“ doe wull hei hen, dei wier an allens schuld. Also man ümme tau gelopen!

Ja, Franz leep männigmal wirklich; wenn dat Babengestell vörweg schöt, denn harren jedesmal dei Bein tau dauhn, dat sei mittamen deden. Kreegen dei denn eins werre den Börrang, denn müßte hei haben stoppen, wobi hei denn binah in'n Stillstand keem. In'n Weg wier dei oll Burß all lang nich mihre, doch markt' heit't kum, dat dei Kei' ümme vör-fäütisch dörch dei Gorens güng. Stieg' gew't hüt Abend nich för em; wil sin Schauhsalen so fürchterlich rund wieren, güng dat ümme hen un her. Süll hei nu direktemang na Hus gahn? Ne, dat föll Franz noch gortaulang nich in. 't oll Hus wier of gornich doe, dat harren's 'wiß wo anners henbugt. „Na Sniderhinnerk hen un den 'n beten foppen!“ dat wier't, wat em werre dörch'n Kopp brummte. — So güng dat ümme schußwif' mit em wiere.

Mit einmal stünn hei vör ein'n Bom; wo keem dei hier blot her? Hier harr doch noch sin Lewe kein Bom stahn? Hei sehg tauhöcht — ja, dat wier'n richtigen Bom. Ut'n Weg güng hei em woll nich, also föt hei'n rundting üm, so künn hei sich mal besin'n. Ja, wenn Franz sich man harr besinnen künn! Dat wier doch nett von den Bom, dat dei sich em in den Weg stellt harr, sünst wier hei schier noch follen, dat wier all's, worup hei sich besünn. — Süll hei hier bestahn bliwen, bet dat Dag würd? Ne, dat künn em tau lang' duern! Also — man werre wiere. Hei wull jo

na Sniderhinnert hen; ob hei woll all slafen ded? — Endlich stümm hei vör sin Finster — as hei dachte. Franz horkte; — binnen wier all's still. Nu füng hei up sin Art an tau singen, hei wull em doch 'n beten argern: „Snider wupp, wupp, wupp, setten Flicken up; Snider wupp, wupp, wupp!“ so brumnte hei, äwer — all's bleew still. Franz sehg tauhöcht, ob hei ok richtig kamen wier? Jawoll, hei stümm noch ünne vör datfülwig Finster. Also füng hei werre an: „Snider wupp, wupp, wupp, dei ganze Woch' Kartüffelsupp, un Sündags is sei noch nich up. Snider wupp, wupp, wupp, Kartüffelsupp — —“

„Alle Mallhamel!“ reep dat mit einmal äwer em, „wat grälste hier!“ dorbi kreeg hein'n Bumb's up sinen groten Haut, dat hei sich vullends äwer sin'n dämlischen Kopp schöw un Franz uppen Dutt tausamensackte. Doe seet hei nu in'n Könnstein, as 'n Klumpen Unglück un rögte sich nich. — „Wat nu?“ Dei Bengel harr inne letzte Lied so veel vör Anna ehr Kamersfinster herumlungert, dat hei ut Berseihu dorhen geraden wier, un harr nu hier sin'n Singsang upführt, un — Wriken wier't west, dei em einen up den Kopp gewen harr. Sei harr mit Wilhelm, dei nebenan sleep, grad tau Bedd gahn wullt.

„Wat nu?“ frög Wilhelm nochmal, „hest em dodslagen?“

„Dei Art herwen 'n tages Lewen,“ meinte Wriken, „hal mal 'n Pott vull Water her!“

„Ich raup wull unsen Badde!“ säd dei Jung.

„Du büst ganz still un deihst, wat ick Di segg!“ beföhl Wriken.

As dei Jung dat Water bröchte, höll sei den Pott so, dat dei Strahl em grad in den Nacken leep un dornah up den bloten Rücken keem. Auweih! wat fohrte dei Bengel

tauhöcht. As hei nu äwer so dumm in Wriken ehr Ogen sehg, as eine, den dei Berstand knapp worden is, un dei em noch habenin utlachte, don höll hei sich jonich up, sondern leep, wat hei lopen künn, direktemang tau Hus. Hei vergeet of ganz, bi sinen ollen Fründ, „Sniderhimmerk“, vörtankten; wer wüßt, dat künn em jo noch mal mallüern, dat hei 'n verkiehries Finster dreep.

Wriken un Wilhelm äwer wieren froh, dat sich dei Sat so uplösen ded; „nu warden wi woll vörerst Ruh vör den Sänger hewwen,“ meinte dei Jung, „wat ward äwer Willmohsen Heinrich lachen, wenn ick em dit Stück vertell!“

„Wat wußt Du vertell'n?“ frög Wriken.

„Nu, dit mit Franz sin Brummen un wi em dat dorbi gahn is; ick glöw, wenn Heinrich dat hört, denn lacht hei sich 'n Rees!“

„Den Du denn upeten künnst!“ säd Wriken. „Segg mal blot, Wilhelm, wat meinst Du woll, wat künn dat nützen, dat wi hier 'n grot Gered' von maken?“

„Nützen? woll nicks; äwer 't wier doch sihr lustig!“ meinte dei Jung.

„Denn lat Di man getrost dei Lust vergahn! Ich segg Di, hier ward kein Wurt von spraken!“ bestimmte Wriken. „Dat künn för mi höchstens 'n Snack afgewen, un ick glöw, wenn wi man stillswiegt, ward hei — dorbi wißte sei na Schweedten Hus' herräwer — sin Mul woll hollen!“

Dit wier nu nich ganz na Wilhelm sinen Sinn; hei harr't tau un tau giern herrümbröcht, wie Franz einen Bumbß up den Kopp kregen, un wie hei don tausamsack't wier; äwer hei dörrwt nich dumm sien, — Anna wier weg, wenn Wriken em nu böß würd, denn harr hei jo recht

keinen Menschen, — dat güng doch nich — also müßt hei woll stillswigen.

Dormit wier hier dei Sak erledigt; un Franz? nu, dei wier dörch dat Water soveel nüchtern worden, dat hei sin Fuß richtig funnen harr, un wil dei Ollen all tau Bedd wieren, wull hei sei nich stüren, kleep also in'n Bierdstall, wo hei inne Eck 'n beten Stroh fänn. Hier leet hei sich up dal un sleep of bald so sanft un fast, dat 'n richtigen Dodelslap würd, wo hei erst an'n annern Middag ut vermünnert warden künn.



## IX.

### Wie dat Frühjohr sich ditmal in Kahlshagen anleet, un wie Willmohsen Heinrich 'n Breiw freeg.

Wil dei Winde sich sich inne Läng' treckt harr, wier dei Frühjohr etwas tau fort kamen, un all's harr sich spanden müßt, um nich taurügg tau bliwen. In't Holt wier dei Mäsch upschaten un in ein, zwei, drei: don harr hei mit sin mitten Bläumings hoch herrut kelen. — In dei Bräuke, sinne dei Ellern, breid'ten sich dei Deischen ut, dat sich nicks anners upduken laten künn. — In dei Wischen, an dei Bäten, stünnen mit einmal soveel leuwe Kauhblaumen, dat man gor-nich wüßt, wo's so flink herkamen wieren. — Up den Kirchhof, neben dei Gräwer, bläuhnten dei Boddeblaumen so geel, dat dei lünnen Gören nich Keden genau farrig kriegen künnen. — Un all dat zweibeinige Getier, dei lünnen Bagel, harren 'naug tau dauhn, dat sei ehr Nester sin utfuttert freegen, dormit sei Eier leggen künnen. — Dat instige Adeborsnest in Kahlshagen, wat up dei Pasterschün wier, würd tau rechte Tied betagen, un wenn dei Langbeins Durn un Busch un

allerhand Lappen tausamen drögen, denn stünnen dei Lüttsten von't Döörp un süngen: „Adebor to naude, bring' min'n lütten Brauder;“ ore: „Adebor to Keste, bring' min'n oll lütt Schwester!“ — Blot Josten Wilhelm sin lütt Teckel, den hei mit von dei Försterie bröcht harr, estemierte em nich; wil hei noch kein halwes Johr olt wier, kemte hei keinen Adebor, nu stünn hei un bellte em stun'nläng an, dei wull em up dei Schön abslut nich weiten.

Uppen Acker würd allerwegen flitig haft un pläugt; Kartüffeln, worup man in Koblshagen veel höll, würden in grote Massen plandt. Dorneben gräunte dei Winderoggen mit Macht herran; hei harr äwer of N, denn Maidag harr sich noch kein Kreih dorin verstecken künnt.

All's wüß' un leet sich prächtig an, of Willmohsen Heinrich sin Hüslerkaten schiente N tau hewwen, denn von einen Dag taum annern künnt man seihn, wie dei Muern höhge würden. Wie lang' würd't duern, un hei künnt ünne Daß bröcht warden. Männigein, dei doe vörbi güng, harr sin Vergnügen daran.

Dat künnt woll so bi Pingsten herrüm sien, as of dei Herr Pastur mit sin leiw Fru uppen Sündagnamiddag up't Feld güng: un hier vörbi keemen. „Der junge Willmohs ist doch ein fleißiger Mensch,“ säb dei Paster, „man sieht es ordentlich, wie der Bau empor wächst!“

„Und auch wohl ein sehr ordentlicher und tüchtiger,“ ergänzte sei, „mir scheint alles so praktisch angelegt und eingerichtet!“

„Ja,“ bestätigte hei, „ich freue mich sehr dazu, daß unser Dorf diesen Zuwachs erhält; denn er ist daneben auch ein kirchlicher Mann.“

„Soll mich aber doch wundern, was der für 'ne Frau bekommen wird!“ bemerkte dei Fru Pasturin.

„Nun, einstweilen hat er ja noch seine Mutter, die ihm die Wirtschaft führen kann;“ meinte ehr Mann.

„Das wohl; aber wie lange wird er die noch haben! Mich dünkt, sie ist seit ihrer letzten Krankheit doch bedeutend gealtert.“

„Man sagte ja, er wolle die Anna Kost nehmen; wird denn das nichts?“ frög dei Paster.

„Ja, er wollte es wohl, und sie wäre gewiß auch sehr passend für ihn; aber ich habe gehört, daß die Eltern dagegen sind und eine andere Partie wünschen.“

„Mit dem Better, meinst Du?“

„Ja, aber der soll sich — wie man sagt — gar nicht besonders angenehm gemacht haben, daß die Anna ihn nicht will;“ säd dei Fru Pasturin.

„Nun, die Eltern werden ja wissen, was sie zu thun haben, jedenfalls werden sie ihr Kind nicht unglücklich machen wollen, dazu sind sie doch zu gewissenhaft und vernünftig;“ meinte dei Paster.

Dormit wieren sei allmählich unvermarkt twischen dei Kornfelder un Kartüffeln kamen un spröken von wat anners.

Ok dei oll Köstervadde harr samt sin leiw Fru sin Freud' an den Bu.

Schweedten Franz wier woll dei Einzigst, dei mit kruje Näs' vörbi tau gahn pleggte; hei künn't den ‚Sniderhinnerk‘ nicht vergeten, dat hei em bi dei Anna utdrängt harr, as hei meinte.

Doch inne letzte Tied harr hei 'n anue Gesicht upset't, so keem dat Heinrich vör; ja Franz harr em sogover all'n poemal ganz fründlich dei Tied baden; wer wüßt? am En'n bekährte hei sich doch noch un siing ein anner Lewen an. —

Am meisten — so süll man denken — harr sich nu woll Willmohsen Heinrich sülwst äwer den Furtgang von

den Husbu freuen müßt, äwer 't wier doch nich dei Fall; so recht tau 'ne helle Freud' wull't bi em nich kamen. Hei wull doch nich giern mit sin Mudde allein dorin wahren. Un Anna? Ja, wat heit'te dat blot mit dei, — hei kinne gewiß nicht klauft ut warden. —

Bingsten wier sei taum Besäuf bi ehr Delleru west, wier of na dei Kirch gahn, un harr of Heinrich bi dei Gelegenheit begrüßt, ganz wie jünst; äwer wiere wier of nicks passiert: hei harr sei seihn, — un dat wiert all.

As sei abends taurügg gahn wier, harren dei Ollen ehr 'n ganz End' wegbröcht, dat Heinrich, dei uppe Luer stahn ded, still harr tau Hus bliewen müßt. Doch äwer keem den Murer dat so vör, as wenn dei Bändner von nu af an em etwas fründlicher anseh, wenn hei em taufällig eins bemöten ded.

„Mi fall doch wunnern, wat ut dei ganz Geschicht' noch herrut brött,“ jäd Willmohsen Mudde tau ehren Sähn, as hei ehr dat vertellte.

„Ick weit't of nich,“ jäd hei, „mi fallt jülwst wunnern!“

„Dei Oll ward ümme nette!“ jäd hei bald dorup, as hei em werre begegnet wier; „hüt het hei sogoer ganz fründlich mit mi spraken.“

„Wat jäd hei denn?“ frög Mudde.

„Nicks von Bedüding; hei frög mi blot, ob ick nu min Hus bald farrig harr, dat würd jowoll 'n orndlich Sloß.“

„So, — dat jäde! Na, denn lat uns man Geduld hewwen, min Sähn, dat ward sick all noch fügen, dat glöw ick ganz gewiß!“ —

Indem sei noch so spröken, würd an dei Stuwendöhr kloppt, un — Radmakes Mudde keem herrin.

„Hier is 'n Breiw,“ jäd sei, „den het mi eben dei Breiwendreger gewen, dei ward woll mit dei Post kamen sien.“

„Dat ward hei denn woll,“ antwurte Heinrich un lachte; dorbi harr heit't glit anne Handschrift seihn, wo hei her wier un läd em still uppen Tisch.

„'n Breiw?“ frög Mudde; „wo kam dei her sien?“

„Ward nich veel tau bedüden hewwen,“ meinte Heinrich un ded, as wenn em doe nicks an gelegen wier.

't passierte nich oft, dat 'n Breiw in't Radmakehus bröcht würd un dei Frugens wieren gewiß all beid' niegierig, wat doe in stahn künn, doch make Heinrich gorkein Anstalt, dat hei em breken wull. — Wil Radmake's Mudde em äwer bröcht harr, so wull sei doe of wat ut hören, also — güng sei 'n beten sitten. Einmal müßte hei doch braken warden; so dacht sei. Un nu füng sei ruhig an tau vertellen von dat Lewen in Schweedts Hus. „Dat is doch tau un tau trurig, wie dei Wirtschaft geiht,“ säd sei.

„Ja, dat is jo allgemein bekannt;“ antwurte Willmohsen Mudde un hoffte woll, dormit dat Gespräch taum Afßchluf tau bringen, doe harr äwer 'n Ul seten; Radmake's Mudde füng erst an, sei harr hüt grad Tied. „Mit den Bengel schient wat vörtogahn,“ säd sei. „Ostern sall hei jo noch so dun west sien, dat hei nich het up dei Bein stahn küunt; äwer söredem rögt hei nicks an, geiht still ümher un arbeit up sin Art flitig; ick heww all seggt, wenn dei Ol nu of dat Grälen leet, denn wiert 'n ganz Deil ruhige in'n Dörp.“

„Dei lett dat woll nich nihre!“ bemerkte Willmohsen Mudde.

„O nich doch, dei is doe olt bi worden! Ick segg jo oft: dei Braunwien müßte gornich inne Welt sien, dat Saken rich't tauweel Unglück an!“

„Min Mann drümk ja gor kein'n;“ säd Willmohsen Mudde, „dei nemte dat Tügs ümme Dürwelswater!“

„Is of nicks anners as Düwelswater!“ behauptete Radmales Mudde, „ick segg männigmal, dat is jowoll tauerst inne Höll brugt un von doe uppe Welt bröcht worden!“

„D,“ ded Willmohsen Mudde un schürkoppte.

„Wovon kümmt sünst dei Gitt, un wovon warden dei Köpp so verrückt!“ iwerte Radmales Mudde. „Wi können woll lachen, denn uns’ Mannslüd rögen dat Saken tum an; äwer [wohr is’t doch, dat ungeheuer veele Hüser unglücklich dordörch warden!“

„Du seggst jo gornicks!“ erinnerte Willmohsen Mudde ehren Sähn, „un lettst uns ümmetau allein snakken.“

„Ick?“ frög Heinrich, un man sehgt em an, dat hei von dei ganze Uennehollung nicks hört harr — „ick?“ frög hei nochmal; „ja, dat is of wohr!“ dorbi sehgt hei so verstuert na Radmales Mudde hemäwer. Ob sei äwerhaupt woll noch werre weg güng, ore ob sei glif dei Nacht hier bliwen woll? dachte Heinrich. Weggahn heiten künn hei’s doch of nich; denn wier’t Kalw jo heil un deil in’t Dg slagen. Wat wier hier blot bi tau dauhn? „Geduld herwen!“ dacht’ gewiß sin Mudding, un dat wier denn of woll dat Best’.

Dei Breiw leeg noch ümme uppen Disch, as wenn hei keinem wat angüll; un dorbi wieren’s all drei so niegierig, dat’t ehr plagen ded. Dat hei von Anning wier, harr Heinrich uppen ersten Blick seihn; — wat künn dei em tau schriewen herwen! —

Endlich, — ja endlich süll hei erlöst warden! Dei Radmake wier ut dei Warfsted kamen un reep äwer sin Dlsch. „Se, ick möt woll lopen!“ säd sei un sehgt dorbi so schein na den Disch, „min Kierl dei röppt mi!“

„Hah!“ stehute Heinrich un langte na den Breiw.

„Worüm heft Du em nich längst apen maatt?“ frög Mudde, „Radmaakes Mudde harr so giern —“

„Dei Breiw is von Anna, Mudding!“ föll hei ehr inne Red.

„So!“ — dehute sei, „woher weißt Du dat denn so gewiß!“

„Nu,“ säd hei, „wi sünd doch tausam'n inne Schaul gahn, doe fällt ick ehr Handschrift doch woll kennen!“

Heinrich sehg nu flink dei Reihgen äwer, dorbi würd hei so lüftig un glücklich utseihn, dat Mudde ungedüllig würd un frög: „Wat schriwwt sei denn an Di, ore kann ick dat nich weiten?“

Heinrich leste:

„Mein lieber treuer Heinrich!

Erschrick nur nicht, wenn dieser Brief in Deine Hände kommt; etwas Schlimmes enthält er für uns nicht. Ich wollte Dir nur mittheilen, was unser Förster mir vor einiger Zeit erzählt hat. Er hätte aus ziemlich sicherer Quelle erfahren, sagte er, daß der Sohn des Steinkrügers, der ja wohl mein Better wäre, gewilddiebt habe, wofür er wohl, da die Eltern nicht bezahlen könnten, längere Zeit werde brummen müssen. Die Wirtschaft auf dem Steinkrug solle überhaupt in den letzten Jahren sehr zurückgegangen sein und die Sache sehr wackelig stehen. Ueber den Antoni-Termin seien sie noch mit genauer Not gekommen, weiter würde es aber jedenfalls nicht gehen. — Mein lieber Heinrich! Die Tante jammert mich, aber sonst bin ich außerordentlich froh über diese Nachricht, denn nun brauche ich den Better gewiß nicht zu nehmen. Vor etwa 14 Tagen habe ich

zuerst darüber an meine Eltern geschrieben. Ich habe zwar noch keine Antwort darauf erhalten, doch weiß ich zum voraus, wie sie darüber denken. Also laß uns nur fröhlich und getrost sein, es wird doch noch alles gut! — Und nun leb' wohl, mein lieber, lieber Heinrich! Grüße auch Dein Mütterlein von  
Deinem

getreuen Anning.

### Nachschrift.

Wiederschreiben brauchst mir nicht, das würde nur Aufsehen erregen; ich werde an einem der nächsten Sonntage selbst nach Koblshagen kommen.

(D. D.)“

„Hurra!“ reep Heinrich, as hei tau En'n lest harr; dorbi sprüing hei up, föll sin Mudding üm'n Hals un geew ehr 'n degten Kuß.

„Nu, nu, man nich so stürmisch!“ wehrte sei af; „ick mücht woll seggen: Gott sei Dank, dat wi sowiet sünd!“

„Ja, von Harten segg ick mit Di: Gott sei Dank! denn nu steiht uns hoffentlich nicks mihre in'n Weg.“

Natürlich leste Heinrich den ganzen Breif flink noch mal, wenn of man sachten; as hei äwer an dei Wüerd keem: „Also laß uns nur fröhlich und getrost sein, es wird doch noch alles gut!“ don süng hei werre lud an un sin Mudding seet doe, hürte tau un freute sich mit em. —

Wie oft Heinrich dat woll noch lesen würd?

## X.

### Wo Sodwater un Regenwater of männigmal gaud tau is.

Dei Bott vull Water, den Franz von Wriken up den Kopp un in den Nacken fregen harr, schiente Wunderding' dahn tau herwen, dei Bengel wier dontomal nicht blot vör den Ogenblick etwas nüchtern worden; ne, wat dat Beste wier: hei wier of von donafan nüchtern blewen. Alle Lüüd wunnerten doräwer, dat Franz nie nihre tau Kraug güng, sowat harren sei noch nich an em belewt. Franz sülvst wunnerte sich grad nich, äwer hei freute sich, dat hei tau Besinnung kamen wier. Un wenn Wriken vielleicht dacht harr, dat hei ehr nu böß sien würd, denn harr sei sich gewaltig irrt; sei wier in Franzens Ogen noch 'n ganz Deil gröter worden. Wat hei ehr äwer noch besonders hoch anrekente, dat wier, dat sei von dei ganze Geschicht' kein Starwenswurt harr verluden laten.

„Is dat 'ne Diern!“ säd hei vör sich, „dei is noch teihnmal beter as dei anner.“

Tauerst na den Börfall söchte hei ehr ut'n Weg tau kamen: hei schämte sich vör ehr. Newer't wier jo doch vör-

kamen, dat hei ehr harr begeg'n müßt, wie denn? Nu, Wriken wier sich ünne glif blewen un harr stets dahn, as wenn nie dat Geringste twischen ehr vörfallen wier. Mit em inlaten harr sei sich äwerhaupt nie recht, so säd sei of nu blot dat Allernödigste, oft nich mihre as Gunday un Schöndank of! Taulekt künn Franz dat nich mihre uthollen, hei müßt mal mit ehr anbin'n, hei wüßt man noch nich antaugahn. Ein düchtiges Gewitterschuer süll em tau Hülp kamen. —

Wriken wier up't Feld bi't Flaszweiden west un harr den Regen kamen seihn, un wil dat so gefährlich blag herrup keem, wier sei bi Tieden na Hus gahn. Dat harr ehr äwer doch fat't kregen, nu stünn sei ünne 'ne Wied, ehr grif' Schört äwer den Kopp getrect, dat sei nich so natt warden wull.

Franzen dreew ebenfalls bei Regen tau Hus, so dreep hei sei hier. „Kann ick noch woll'n beten mit ünnekrupen?“ frög hei.

„Worüm nich!“ meinte Wriken un wull em Platz maken, indem sei 'n beten bettau güng.

„Ne,“ säde, „so is't nich gemeint; ick stah hier ganz schön, 'n beten Natt's is ein'n männigmal ganz gaud!“

„So, meinst Du?“ frög sei, dorbi sehg sei em so listig an un hägte sich.

Dit geew em Maut. „Ja, Wriken, lach' Du man,“ säd hei, „Du heft 'n Recht dortau; äwer wenn Du wüßt, wie dankbor ick Di bin, dat Du mi dontomal tau Besinnung bröcht heft, denn würdst Du viellicht nich mihre so slecht von mi denken.“

„Wer het Di seggt, dat ick slecht von Di denk?“ frög sei.

„Dat het keine seggt, äwer ick fäuhl dat!“

„Dat Gefäuhl fall ein'n oftinals dreigen,“ meinte sei.

„Also hüft Du mi würrklich nich mihre böß!“ frög hei werre.

„Ach wat böß!“ schüll sei, „so drän doch nich ümmetau; segg mal, wat maßt Din Großmudde? ick herwo 's so sühr lang' nich seihn.“

„D mit dei dat geiht noch, dei mag noch ,jümme un jümme' giern eten un — snacken; äwer leeger sünd wi mit Mudde an, dei kann bald nich mihre!“

„Wat fehlt dei un wat kann dei nich mihre?“ frög Wriken.

„Sei kann nich mihre wirtschasten, dat seggt sei mi alle Dag', un nu fall ick doesör sorgen, dat 'ne jung'n Frau in't Hus kümmt, dei ehr dei Last afnimmt un dei tau wirtschasten versteiht.“

„Denn kannst jo nu up Reisen gahn un säuken Di ein!“ röd Wriken.

„Ja, dat söcht sief woll, äwer't finnt sief man nich so licht;“ meinte Franz.

„Wenn 'ck Di dei Wohrheit jeggen fall, Franz —“

„Na,“ frög hei, „wat denn?“

„Doe hürt all würrklich Lust un Mant tau, bi Zug doe intaufriegen.“

„Magst Recht herwen; äwer so kam't nich lang' bliwen.“ —

Wriken anwurte nicks.

„Weißt, wat ick dacht herwo?“ frög hei, as sei ümmetau still sweek.

„Denken kan'n veel!“ meinte Wriken un sehg dorbi so verluren inne Fiern.

Aewer Franz leet sich nich irr' maken: „Ick dacht, wenn Du't so eins mit uns verjanken wust!“

Sei sehg em grot an: „Ick süll bi Jug doe wirtschasten? Doe hürte wirklich Lust tau! Meinst Du, ick sünn bi uns nicks tau dauhn?“

„Wriken,“ säd Franz, „verstah mi recht, Du magst nu schellen ore mi afweisen: gahn deih't doch nich anners, Du möst Di äwer uns erbarmen, sünst gahn wie alltaufamen tau Grund'.“

„Wat meinst Du eigentlich?“ frög sei; „ick glöw, wi verstahn uns nich!“

„Ick mein, wi wull'n uns' Plün'n tausamen smiten, un Du kümmt hen un wardst min Fru!“

„Du büst jo woll nich klau!“ fohrte Wriken los.

„Un ick dacht', dat dit grad dat klaukste Stück sien küm, wat ick je in'n Lewen utäwvt heww.“

Wriken stünn un besünn sich; dit wier ehr doch wat veel.

„Nu segg doch mal 'n Wurt!“ drängte Franz; „Du seggst jo rein gornicks!“

„Wat sall ick dortau seggen?“ frög sei. „Ick söll Din Fru warden? Dat würd 'ne schöne Wirtschaft afgewen!“

„Gewiß würd't dat!“ bestätigte Franz, „süß, Du büst grad bei Person dortau, Du würdst bei Ollen in Respekt fetten.“

„Jarvoll,“ lachte Wriken, „un na dei ersten vierteihn Dag' würden Si äwer mi herfallen un slahn mi so, dat ick't verlopen müßt!“

„Wenn't dorup ankümmt, büst Du uns alltaufamen äwer!“ behauptete Franz.

„Pfui!“ reep Wriken, „pfui, Franz, Du süst Di doch wat schämen, mi sowat tau seggen. Meinst Du, ick süll mi je an Di vergripen ore min Hand an einen von Din Delleru

leggen? Ne, leiver lat uns uteinander bliwen, dat is beter!“

„Ick lat Di nich, Mriken, wenn Du mi ok noch teihnmal afwist; doe kannst Du seker Gift up nehmen. Mich wohr, Du denkst an min ruhges Lewen?“ frög Franz.

Mriken antwurte nich; in'n Stillen dachte sei: „ümme noch dat rohe Wesen!“ dorbi löf'te sei sief dei Schört von'n Kopp un sehg ümher, — ogeneschienlich wull sei em utritschen.

„Dat regent noch ümme tau,“ süng Franz werre an, „un Du weißt, 'n beten Ratt's het oft sin Gaud's.“ Dorbi neihm hei sinen Haut af un leet dat Water von dei Krempen lopen.

„Süh,“ süng hei nu ganz ernsthaft an, „ick drink nu längst gornich mihre, ward dat äwerhaupt nie werre dauhn, un min Dill? na, ganz kann hei't woll nich mihre laten; äwer taunah sall Di keine wat dauhn, doe kam ick vör her.“ Un as sei ümme noch nicks säd, greep hei na ehr Hand un söchte ehr in dei Dgen tau fiken: „Mriken,“ flüfterte hei dorbi, „Du jast ok all's ganz dauhn können, wat Du wist un all's hewwen, wat Du verlangst, segg blot —“

„Nu holl up, Franz, un lat mi gahn!“ säd sei mit einmal, „süh, Du verspreckst soveel, dat Du naher gornich weißt, wat Du all's seggt heft; dat geföllt mi gornich. — Ick will Di korten Bescheid gewen!“

Franz stümm un sehg ut, as süll hei sin Dodsurtel in Empfang nehmen.

„Dei Frag', dei Du eben an mi stellt heft,“ säd sei, „is mi so wichtig, dat ick unmagellich doe glik up antwurten kam; ick möt mi erst richtig doräwer besinnen un mit min Dellern dat bespreken; ebenso jast ok Du Tied hewwen taum Besinnen.“ „Ick herow mi längst besun'n!“ smeet Franz dortwischen; äwer Mriken leet sief nich stüren. „Wenn Du nächsten

Sündag äwer vier Wochen noch so gesun'n büßt as hüt, denn kumm namiddags Kloß twee na unsen Hus', denn können wi wiere äwer dei Saß sprekten. Süll mi dit Verspreken bet dorhen leed warden, will ick Di't vörher weiten laten!"

„Wriken, dat is äwer lang',“ jammerte hei, „wenn ick dat man utholl!“ Doch ded sei, as hürte sei't nich un bestimmte wiere: „Bet dorhen redst Du mit keinen Menschen dorvon, wat Du hüt hier tau mi seggt heft, of mit mi nich; hürst Du? — of mit mi nich!“

„Ja, ick hür!“ säd Franz.

„Un nu lettst mi gahn, dat ick na Hus kam; Du kannst jo noch giern 'n beten hier bliwen!“

„Wriken, dat regent noch so, gah noch nich weg!“ bed Franz.

Doch sei harr sich dei Schört all werre äwer'n Kopp treckt un gäng mit grote Schritten den natten Stieg entlang, ahn' sich noch eins ümtauken.

„Is doch 'ne forsche Diern,“ dachte Franz, as hei sei so dorhen schritten sehg; „dei weit genau, wat sei will, un het sei mal ‚Ja‘ seggt, denn — glöw ick — kann'n dor'n Hus up bugen. Grad son Fru möt ick herwen!“

Un as hei dacht, dat sei woll tau Hus sien künn, stewart hei sachten achter ehr her. —



## XI.

### Wie Heinrich sin Wunsch erfüllt würd.

Heinrich harr för Freuden dei ganze Nacht nich slapen, so sihr harr em dei Breiw von Anning in Unruh bröcht. Sei sünn un grüwelte woll un bett un wenn hei meinte, dat hei't nu richtig wüßt, wie't antaufangen wier, denn — füng dat Sin'n un Grüweln werre von vörn an. Doch wier dit jo kein ängstlich sorgen mihre, im Gegendeil: Heinrich wier fast dorvon äwertügt, dat hei sin Anning kriegen würd; äwer wat nu tannächst tau dauhn wier, dat wüßt hei man nich. Eins verstünn hei frilich jezt sihr gaud: worüüm nämlich dei Bändner inne letzte Tied ein ganz anner Gesicht upset't harr. Süll hei't dorup hen wagen un direktemang tau em gahn un üm Anna anhollen? Bald schiente em dit dat Rechte tau sien, un denn ok werre nich. Endlich keem hei tau den Schluß, sin Mudding süll mal erst hennäwer pedden un'n beten bi Josten Mudde uppen Busch kloppen. Mudding leet sich denn ok richtig hennäwer schubsen un keem mit'n sihr vergnägtes Gesicht werre taurügg. Wenn Josten Mudde sich ok noch nich bestimmt utspraken harr, so wier ehr doch soveel flor worden, dat Anning nich allein blot von den Wetter schrewen

harr, sondern utdrücklich up Heinrichen müßte hendüdt hewwen. Dit wier ehr denn of genau west, dat Anner künn ehr Sahn nu sülvst besorgen.

Tau giern harr Heinrich nu erst an Anning schrewen; wil sei sick't äwer noch besonders verbeden harr, so güng't doch nich. Awer Gewißheit wull hei hewwen, also — as werre 'n poe Dag' verflaten wieren, tröck hei sick sinen besten Rock an un güng sülvst hennäwer na Josten Hus'. 't würd den ollen Jungen doch suer, sin Anligger vörtaubringen, ob-schonst hei temlich sicher wüßt, dat hei'n Affslag nich tau fürchten brukt. Ditmal wier Josten Badde of tau Hus, un wil dei beiden Ollen em so fründlich entgegen keemen, so güng all's beter, as hei dacht harr.

„Wenn uns' Dochter Lust tau Di het,“ säd Jost, „denn will'n wi kein Inwenning dorbi maken un Du kannst also giern uns' Swiegersahn warden!“

„Ja,“ meinte Josten Muddde, „wi sünd eigentlich froh, dat all's so kamen is; mit min'n Schwesterahn — Du weißt woll dei Geschicht — wier sei doch nich glücklich worden.“

So keem Heinrich denn sihr vergnügt tau Hus. Nächsten Sündag wullen sei Anning herkamen laten un denn süll ordentlich Verlawung fiert warden. —

Wier dat'n Sündag för Heinrich un — of för Anning! Börmiddags güng hei erst tau Kirch, denn Anna künn erst na Middag in Kuhlshagen sien. As sei Middag eten harren un Heinrich wüßte, dat Anning bi ehr Dellern wier, güng hei bald mit sin Mudding hennäwer. Wie den ollen Jungen doch dat Hart pufferte! — Bör dei Stuwendöhr wier ordentlich 'ne Art Guirlang anbröcht, man lütt, äwer't sehg doch festlich ut. Wilhelm harr't absolut so wullt un harr't nu of allein dauhn müßt, denn mit Wriken wier nicks uptustellen west.

Als Heinrich herrin keem, güng hei glük up Anna tau un — geew ehr'n degten Kuß, den ersten; dornah fôt hei's anne Hand un so treden sei tausamen vör dei Ollen hen.

„Na, denn in Gott's Namen!“ säd Jost un kloppte ehr up dei Schullern; „het uns' Herrgott dat sowiet mit Zug beiden fügt, denn ward hei't of woll wiere maken!“

„Ja, doe verlaten wi uns tau!“ säd Heinrich. Josten Mudde wüßte in'n Ogenblick nicks tau seggen; ehr keem dei Sak so fierlich vör, dat sei na den Schörtenzippel greep un sick dei Ogen wischte.

„Gott's Segen mit Zug! min leiven Kinner!“ säd Willmohsen Mudde un drückte ehr dei Hän'n. — Of Wilhelm drängte sick herran un gratulierte. Blot Wriken stümm allein so verluren inne Eck un müßte erst erinnert warden. „So kumm doch her, Diern,“ säd Mudde, „un giww Din Swester un Din'n taukünstigen Swager of dei Hand!“

Don erst keem sei un ded, as ehr heiten wier. Un nu künn denn dat Kaffeedrinken losgahn, wobi Wilhelm sick ganz besonders utteikente.

Anning un Heinrich äwer können't inne Stuw nich alltaulang' uthollen, sei wullen giern 'n beten allein sien un frögen, ob sei nich 'u stun'ulang 'n beten weggahn döwrten.

„Na,“ säd Jost, „'n Stun'n fall Zug verlöwt sien; äwer täumt of nich länger. Wi hewwen naher doch noch allerlei tau bespreken!“

So güngen dei jungen Lüüd denn — natürlich Arm in Arm — tauerst na'n Kirchhof, üm Badde sin Graww tau besäufen.

„Wenn uns' oll Badde dit noch erlewt harr,“ säd Heinrich, „wie würd hei sick mit uns freut hewwen!“

„Ja,“ meinte Anna, „dat harr hei gewiß; ick kann em mi noch ganz gaud vörstellen, wie hei mi ümme so fründlich

ansehg, wenn ick des Abends tau Di gäng, dat Du mi mit dat Refen taurechthelpen süst!“

„Ach ja,“ bestätigte Heinrich, „Badde wier jo eigentlich gegen jeden fründlich; äwer wenn Du inne Döhr keem’st, freute hei sick doch ganz besonders; Din munteres un frisches Wesen behagte em jo. ‚Is dat ’ne Diern‘ — so het hei mihr as einmal seggt — ‚dat mücht ick woll, dat dei min Dochter wier!“

Unning sehg em dankbor in dei Dgen: „Also dat het hei wirklich seggt un nu, dat’t harr jo sien künnt, is hei nich mihre bi uns!“

Wil dei Kirch noch apen stümm, gängen sei of doe noch herrin. — Hier würd fast gornichts spraken. ’n jeder sehg sick noch mal still dei Pläh’ an, wo sei as Kinner so oft seten harren un wo sei nu — wenn’t doch Gott’s Will’ wier — noch oft tausamen sitten künnen. —

Of bi dei Paster- un Kösterlüd säden sei Gunday un stellten sich as Brutlüd vör; dorbi würden sei up’t herzlichste beglückwünscht.

Bon Hus tau Hus to gahn wier ehr nich mägellich, doe wier wirklich dei Tied tau knapp tau; dei sei indes bi weglang drapen deden, würden anredt un ehr dei Hän’n drückt. Awerall sehgen sei hüt fründliche Gesichter. Na Schweedten Großmudde wier Anna tau giern gahn, äwer dei Tied woll nich soveel herdauhn.

„Dei oll Fru, so wunderlich sei of is, het ünne wat von mi holl’n,“ säd Anna.

„Doe können wi eins uppen annermal hengahn, nich wahr, Unning?“ frög hei. Heinrichen drängte dat, mit Anna na den Husbu tau kamen.

Endlich wieren sei doe un gängen nu all dei einzelnen Losemente dörch. As sei all’s richtig beseihn harren, bleew

Heinrich an einem gewissen Punkt inne Stuw bestahn (un flüfterte: „Kennst Du diff' Eck woll noch, leiw Anning?“ frög hei.

Sei nickte, denn sei künn't sich denken.

„Dit is genau dei Sted, wo wi dontomal tausam'n stinnen, un wo ick taum erstenmal Gewißheit kreeg, dat Du mi leiw harrst!“ säd Heinrich.

„Ja, ick weit't!“ antwurte sei. „Awer, Du Schelm, füst Du dat wirklich nich all markt hewwen, as wi tausamen von dei Försterie keemen?“

„Na,“ meinte hei, „so ganz gewiß wier ick min Sat don doch noch nich.“

„Heinrich,“ fieng Anning nu mit 'nmal ganz ernsthaft an, „hier an dissen Platz will'n wi't uns nu nochmal verspreken, dat nie wat twischen uns sien sall, wat uns' Herrgott nich seihn dörrt, nich wohr?“

„Ja, dat will'n wi, min Anning!“ dorbi drückte hei ehr dei beiden Hän'n un geew ehr ok 'n Kuß. — Nu äwer müßten sei wirklich maken, dat sei tau Hus keemen, dei Ollen täwoten gewiß all up ehr.

As sei ut dei Stuw güngen, sehg Anna tauhöcht un säd: „Hier, Heinrich, doe haben dei Stuwendbühr, können wi woll min'n groten Wandspruch: ‚Ich aber und mein Haus, wir wollen dem Herrn dienen!‘ anbringen?“

„Doe hest Du recht!“ säd hei, „doe können wi em jedenfalls am besten seihn.“ —

Während sei sich so verlustierten, harren dei Ollen in alle Gemütlichkeit all äwer dei Hochtied spraken un beslaten, dat — wenn Anna ehr Tied bi den Förster aflopen wier — dei ok nich mihre alltolang' herrut schawen warden süll. Bald nah'n Bieruntwintigsten würd sich dat woll inrichten laten,

meinte Josten Mudde, wat denn von dei Ustüer noch nich ganz farrig wier, künn Anning später allein besorgen.

Doe harren dei jung'n Lüüd, as dei dat hörten, erst recht nicks bi intawpen'u.

„Je ehre, desto leuwe, nich wöhr, Anning?“ frög Heinrich.

„Mi is all's recht!“ antwurte sei.

So wier bilütten dei Nahmiddag vergahn, un Anning müßte an den Rückweg denken. Güt verstünn sick dat von süßst, dat Heinrich sei begleit'ete, so güngen sei denn tausamen af un freuten sick, dat sei noch 'ne ganze Tied sick allein hewwen künnen. As sei bi Schweedten Hus' vörbikemen, wunnerte Anning sick doräwer, dat Franz sick den ganzen Nahmiddag nich eins harr blicken laten. „Hei ward woll säuhlen, dat hei nu nicks mihre tau hoffen het,“ meinte Heinrich, „ick heww äwerhaupt lang' nicks von em hört ore seihn!“ — —

As Willmohsen Mudde of tau Hus gahn wier, un Jost mit sin Fru allein inne Stuw seeten, meinte hei tau Mudden: „So, dit wier nu asnaft; kriegen wi nu keinen riken Swieger-sähn, so kriegen wi doch 'n braven —“

„Un of 'n recht anseihulichen!“ betonte Josten Mudde; „mi dücht, dei beiden passen in jeder Hinsicht tausamen!“

„Gaud is't äwer, dat wi wenigstens uns' Wirt noch behollen,“ säb Jost, „ahn dei können wi doch mit uns' Wirt-schaft nich mal farrig warden!“

Ja, Vadde harr gaud reden; hei ahnte noch nich, wat in'n Regen ünne dei Wied passiert wier un wat doe noch herrut bräuden künn; doch süll hei't bald genaug tau weiten kriegen. —

## XII.

### Tau gaude Vezt noch ein etwas lang' Kapitel.

Dat wier inne Haweraust. In Kohlshagen harr sich all un jidverein flitig rögt, üm den Roggen ünne Dack un Jack tau bringen. Nu wieren sei so wiet, dat man seggen künn: „Gott sei Dank! dat Brotkorn is drög uppen Balken kamen! Mit den Hawern würd't jo ok woll noch gaud warden.“

Jost meihete un Wriken bünn; Wilhelm müßte dei Hocken stellen: so güng all's sinen richtigen Gang. Un doch wier't nich ganz so as sünst.

Eines Abends säd Jost tau sin Fru: „Wat Wrik woll fehlt? sei is gornich as sei mütt!“

„Ick weit't nich, ick heww ok nicks markt!“ meinte Wudde, „still is sei jo ümme west.“

„Ja, dat is sei woll; äwer mi kümmt sei doch jo annershaftig vör. Sei schient mi mit ehr Gedanken oft so wiet weg tau sien, bind't männigmal twei Seile üm ein Garw: so is sei sünst nich west.“

„So!“ — dehnte Wudde. „Dat verstah ick nich; Du heft't doch sünst ümme so dick mit ehr 'rut, as wenn't gor kein beter Diern giwwt!“

Dei Dll sweeg still. Dat wier jo wohr: wenn Mude un Anna sünst dei Köpp tausamen steeken, denn harr Mrik sick stets giern an em hollen, un ehr stilles Wesen wier em ünne sihr angenehm west; un güng't an dei Arbeit, denn stünn sei allemal ehren Mann. „Na,“ säd hei toleht: „'ne Krankheit ward ehr jo woll nich inne Glieder stecken!“ —

Am annern Abend — 't wieren noch nich ganz vierteihn Dag' verflaten, dat Anning un Heinrich Brutlüd worden wieren — keem hei allein mit Mriken von't Feld tau Hus. Still — wie gewöhnlich — güngen sei neben einanner her; doch keem't Josten so vör, as wenn sei hüt noch stille wier as sünst.

Mit einmal güng Mriken 'n poe Schritt vörut, stünn boomstill vör den Dllen, un nu schöt't herrut, as wenn't ute Pistol güng: „Badde,“ säd sei, „wat meinst Du dortau, wenn ick so Schweedten Franz sin Fru würd?“

Dei Dll wüfhte wirklich nich, wie em geschehg. Wenn in dissen Ogenblick dei Blig vör em inslagen harr, denn würd hei sick nich dulle verfiert hewwen. Sei wier sünst nich so licht ute Kontenangs tau bringen; äwer dit äverneihn em doch so, dat em dei Luft kort würd. „Wat — seggst — Du?“ frög hei; dorbi neihn hei bedächtig dei Sei' von dei Schuller un stellte sei an dei Erd; „Du wust — —“

„Schweedten Franz sin Fru warden!“ wedderhalte sei.

Dat Berlaven steckt woll an, dacht' hei; lud äwer säde: „Het hei denn üm Di anhollen?“

„Ja, Badde, dat het hei, un twors in allen Ehren;“ un nu vertellte sei mit korten Würden, wat sei ünne dei Wied afmaht harren. „Aewermorgen is dei Tied aflopen, dei ick em set't heww; denn kümmt hei — wenn hei bet dorhen kein Aforder frigg't — un will sick dat Jarwurt halen!“ slöt sei.

„Un Du büfst willens, em dat tau gewen?“ frög dei Dll.

„Ja,“ antwortte sei, „wenn Du un Mudde nicks dor- gegen hewwt!“

„Hm!“ makte hei, „doe möt ick mi doch erst mit Mudde mal ordlich äwer bespreken.“

Dormit wier dei Sat denn vörlöpig asmak, dei Dll neihm sin Seßel werre up, un sei gingen ruhig wiere tau- samen, as wenn nicks passiert wier. — Wriken wier't nu von'n Harten los, un dei Dll wüßt nu of, wat ehr fehlt harr. —

„Du, Mudde,“ fiing hei an, as hei des Abends mit ehr allein wier, „sall 'ck Di wat Rig's vertell'n?“

„Ach, ick bün so mäud!“ stehnte sei.

„Wardst woll werre munter warden,“ meinte hei: „unf' Wriß will den Franz friegen!“

Dat Josten Mudde nich in dei Swögnis föll, so degeten verfierte sei sick. „Schweedten Franz, den versap'nen Bengel?“ frög sei.

„Ja, Schweedten Franz, as ick Di segg! un —“ fügte hei hentau: „Du kennst unf' Wriß, wat dei will, dat will sei.“

„Ja, dat weit dei leiw Gott!“ stehnte sei. „Na, denn man tau!“ säd sei endlich; „nu segg äwer mal, Badde, wat fangt wi denn an? Wi können sei jo eigentlich gornich missen!“

„Doe geih't nich na;“ meinte dei Dll. „Wi möten uns natürlich 'ne fröm'm Diern nehmen, allein können wi unf' Arbeit nich maken.“

„Sünd sei sick denn all einig?“ frög sei noch.

„Sündag kümmt hei her, un denn sall't dicht makt warden!“

„Na, denn man tau!“ säd sei nochmal; as wenn dei Sat nu farrig wier; äwer — wenn sei vörher of äwer Mäudigkeit klagt harr, so freeg Badde doch ditmal Recht, denn sei wier wirklich so munter worden, dat sei sick noch stun'nläng

von dei ein Sied up dei anner leggen kunn un wüßt doch kein'n Slap tau finnen. —

Franz harr intwischen ebenfalls Gelegenheit nahmen un sin Delleren von sin Absicht seggt, so harr Wriken dat jo wullt. Dei harren dat ganz natürlich fun'n un sick of nich 'n beten verfiert. — As nu dei Tied aslophen wier un hei kein Aforder kregen harr, keem hei an'n Sündag-Nahmiddag — genau tau dei bestimmte Tied — bi Jostens antausteweln. Sinen groten Haut harr hei hüt tau Hus laten un dorför den sündagschen upset't; äwerhaupt sehg hei in sinen ganzen Antog sihr anständig ut. So driest hei sünst of uptautreden pleggte: hüt wier em ungeheuer benaut tau Sinn. Wie lang' wier hei nich in Josten Hus' west! Den Stieg bet ünne dat Kamerfinster kennte hei noch von öltkings her, — hüt schulte hei blot mit ein Dg hennäwer —; äwer den Weg dörch dei grot Döhr harr hei selten fun'n. Nu stünn hei vör dei Stuwendöhr un kloppte an. Jost sülwst makte em apen. Inne Stuw wier wiere keine as Badde un Mudde un Wriken; — Wilhelm wier vörher na Heinrichen schickt worden —, Franz wüßte wirklich kein Wurt tau maken. Josten Badde hülp em ut dei Verlegenheit. „Na, Franz,“ säde, „worüm Du kümmt, weiten wi hier altausamen.“

„Dat is mi leiw, denn bruck ick't jo nich erst tau seggen!“

„Ne,“ meinte Jost, „dat is nich nödig. Uns' Wrik het sick entslaten, dat sei Di dat Jarwurt gewen will —“

„Ja, äwer — —“ föll Wriken em in dei Red.

„Täuw noch 'n beten, min Tochter,“ säd dei Du, „erst lat mi sprekten. Uns — min Fru un ick — ward dat suer, uns' Inwilligung dortau to gewen, doch will'n wi nich dor-gegen sien.“

Harr Franz solang' as 'n armen Sünnner dorstahn un up den Hautbodden keken, so sehg hei nu fix tauhöcht un wull Tosten dei Hand gewen.

„Noch nich,“ wehrte dei Dll af — „erst hör mi richtig an, wat ick Di noch tau seggen heww. Jug Wirtschaft dei möt anners warden, un ick ward Di na Kräften dorbi behülplich sien; äwer dat is't nich allein: Du möst mi hier as vör Gott's Angesicht verspreken, dat Du Di niemals werre besupen wist, — 'n Sluck kannst von minentwegen gern drinken, obschonst dat beter is, Du deist't nich; — un dat Du Din taukünftig Fru nicks tau Leeden deist, sondern Di mit ehr, as sei dat gewohnt is, tau Kirch und Gott's Wurt höltst; kannst Du mi un Mudde dat hier vör Gott uns in dei Hand verspreken, denn fast Du uns as Sähn willkamen sien!“

„Ick heww mi dat all diff' Tied woll un bet äwerleggt,“ anwurtte Franz, „un deshalb is hier min Hand, un Sei sälen seihn, dat Sei sief nich in mi irrt hewwen. Ick bün jo son'n Fru, as Ehr Tochter is, nich wiert, dat weit ick woll; äwer sei sall mit mi tofreden sien!“

„Ja —“ un nu füng Wriken an — „dat glöw ick woll; wenn Du äwer unleht tau mi sädst, ick wier Jug alltausamen äwer, so keem mi dat so vör, as wier't up Prügeli affeihn, dorüm wull ick noch seggen, dat ick nie 'ne Hand na Di ore Din Dellern utstrecken ward, dat mag of kamen, as dat will; äwer — so gewiß as't 'ne Ewigkeit giwrot, ward ick Di an jenem Dag Din hüttiges Verspreken vörhollen!“

„Heww't kein Sorg, Lüüd,“ beruhigte Franz, „Stried un Larm is nu grad' naug bi uns west, un sall nie werre kamen!“

„Dortau help dei leiw Gott!“ antwurte Josten Badde, „un nu kumm her un givw uns allen dei Hand, un Writ kammst von unsertwegen of'n Kuß gewen!“

Dat geschehg denn of, un von nu af an würd denn in alle Fründlichkeit sief wat mit em vertellt. Doch nich sihr lang', don neihm Josten Mudde dat Wirt. „Franz, min Sähn,“ säd sei, „nu gah hen un hal Din Döllern, dat wi in Gemütlichkeit 'ne Taß Kaffee mit einanner drinken! Un Du, Writen, gah hen un hal Heinrich mit sin Mudde un Wilhelm her, dormit wi all tausamen sünd! Is schad',“ fügte sei noch hentau, „dat uns' Unning nich of hier is!“

„Ja, dat is würklich schad',“ bestätigte Badde, „wat würd dei sief wunnern.“

Franz un Writen güngen also tausamen herrut un deden, as sei Odder kregen harr'n.

„Wenn dei Jung tuck hölt,“ säd Jost, as sei ut dei Döhr wieren, „denn, glöw ick, het dei Diern kein'n Unkop an em dahn; dei Wirtschaft is't wenigst, dei sall woll werre uppe Strümp kamen!“

„Wi möten 't Best' hoffen,“ meinte Mudde, „dat Leeg kümmt von sülwst!“ —

Dat duerte denn of nich solang', don keem dei ganz Gesellschaft an; Wilhelm dwars dörch den Goren, dei Ollen un dei jung'n Lüüd in't Dühr.

„Writen,“ flüfterte dei Jung, „weiß't woll noch?“ dorbi wiste hei na den Könnstein; äwer sei ded, as hürte't sei't nich.

Bald seeten sei all' üm den groten Disch un drinken un eten, denn Josten Mudde leet sief bi son'n Gelegenheit nich lumpen, sei harr of ditmal dei Bohnen nich spoert, un dei Rauken sehg binah swart ut von Korinthen. „Rosinen mag ick nich in'n Rauken,“ säd sei, „doe bitt man ümme up dei ollen Karr'n!“

Wenn sei sick't nu of all' gaud smecken leeten, so wier Wilhelm doch woll am Swrigsten bi dei Saß, hei wenigstens et un drüñk so tapfer, dat hei sweit'te.

So recht paßte dei Gesellschaft nu doch nich tausamen; äwer sei sünnen sick taurecht un ein jeder geew sick Wäuh, den annern up sin Art wat Angenehm's tau seggen.

„Wie freu'n uns tauweel tau uns' nig' Swiegerdochter,“ säd Schweedten Mudde, „un uns' Großmudde het rohrt vör Freuden, as sei't hörte!“

„Dei oll Fru fall't of noch gaud hewwen up ehr ollen Dag!“ versprök Wriken.

„Ja,“ tröstete Schweedten Badde, „un wenn uns' Jung' Di wat tau nah dauhn will, denn kumm man tau mi!“

„Dat ward woll all gaud warden, Naver;“ beruhigte Josten Badde, „ick vör min Part heww dat grötste Vertrugen tau em.“

„Uns' Herrgott möt't beten Best' dorbi dauhn;“ smeeet Willmohsen Mudde dortwischen.

Heinrich säd so recht nicks. Hei allein künn sick in dei Saß noch ümme nich fin'n. Wat würd blos sin Anning seggen! — —

„Sowiet wieren wi nu flor,“ füng Josten Badde werre an, „nu äwer will'n wi of glif mal doräwer snacken, woans Ji von dei Hochtied denkt, wolang' dat woll noch Tied dormit het?“

Schweedten Badde sehg na sin Dusch hennäwer: „Se,“ säd hei, „wenn ick fragt ward, denn segg ick: wo ehre, wo leuwe! Wi is dei Wirtschaft all lang' äwer, ick kann nich mihre; nah'n Winde wull ick mi doch nich giern allein herrin gewen.“

„Denn will'n wi't so maken,“ slög Josten Mudde vör: „wi seihu uns alltosamen na 'ne Diern üm, krieg' wi noch

ein, dei tau brufen is, gaud! denn kann't von minetwegen giern bald nah'n Bieruntwintigsten losgahn!"

„Denn fall jo Anna un Heinrich ehr Hochtied of wesen!“ reep Wilhelm.

„Denn können jo zwei Fleigen mit ein Klapp slagen warden!“ bemerkte Schweedten Badde.

„Ich heww nicks dorbi intauwen'n,“ meinte Jost, „von minetwegen können dei beiden Boer up ein'n Dag trugt warden; wat seggst Du dortau, Mudde?“

„Dat Lin'ntüg vör dei Dierns liggt jo längst prat, neihen möten sei sic't denn naher allein; ick harr denn blot noch för dei Bedden tau sorgen, doe mücht' sic' jo äwer kamen laten!“ antwurte dei.

„Na, denn kumm nu, Mudde,“ drängte Schweedten Badde, „wie möten na Hus gahn; Großmudde liggt doe ganz allein — Franz kann jo — wenn hei will — noch giern beten hier bliwen!“

Natürlich wull Franz; hei harr noch gornich an't Weggahn dacht. Wie süll hei of woll? Bet solang' her harr hei noch wenig mit Wriken spreten künnt, nu wull hei doch of noch 'n beten mit ehr klänen.

Schweedten Mudde wier of woll noch giern etwas länger blewen; sei wier vör allen nigierig up dat Lin'ntüg, wat Wriken mitkriegen süll, wil äwer dei Dill so drängte, müßte sei sic' fügen, doch verspröf sei bi't Abschißseggen, as Josten Mudde ehr nödigte: „Ich kam bald eins werre, doe kannst Di tau verlaten!“

So giingen denn dei Ollen af. —

Allmählich keem denn of 'ne vergnüglichere Stimmung twischen dei jungen Lüüd.

Wriken säd nich veel; wie süll sei of? sei harr jo all soveel redt, as sünst in männig Johr un Dag nich; äwer sei

sehg doch of dörcht nich unglücklich ut. Franz dorgegen geew sich dei mägellichste Müüh, sich mit Heinrich antaufrün'n, wat em denn, doe hei't ogenschienlich ehrlich meinte, of bald geliing. Blot Wilhelm, dei Elusohr, giing still ümher, dei künn abslut dat Stück von den Ofterabend noch nich vergeten, doch säd hei nicks mihre dorvon.

As am Abend endlich of Franz an't Mahusgahn denken müßt, erklärte Mriken: „Ick kam noch mit Di, Franz; ick möt doch Großmudde noch Gmabend seggen, sei fall of noch 'n Stück Kaufen herwen!“

Wat freute einmal dei oll Fru sich, as dei jungen Lüü vor ehr Bedd stünnen un ehr dei Hän'n drückten. „Ick herwo den leinwen Gott oft tau un tauveel beden, dat hei bi mi tau Hus kamen süll,“ säd sei; „wenn't nu äwer na minen Willen gahn wull, denn möcht ick noch giern 'n beten lewen!“

„Ne, Großmudde,“ antwurte Franz, „Sei dörrwt uns nu noch lang nich dodbliwen; Sei möt noch werre ut dat Bedd herrut, doe ward min Mriken ganz allein för sorgen.“

Dit rührte dei oll Fru denn so, dat sei werre weinen müßt; so harr dei Jung jo noch seindag' nich tau ehr spraken.

Mriken säd nicks, äwer sei strek mit ehr beiden runden Hän'n dei Dllsch äwer ehr welken Backen, womit dei denn of riklich tofreden wier. —

As Mriken endlich werre na Hus keem, don wier all dei Besäuf weg; Heinrich harr seggt, dat hei't noch an Anning schriewen wull, wat hüt in Koblshagen in Bändner Josten Hus passiert wier un wat dei Dllen äwer dei Hochtied beslaten harr'n.

\*

\*

\*

In Kosten Hus' harr sich denn bilütten all's na Wunsch reihg't, so dat wirklich in dei tweite Woch nah'n Bieruntwintigsten dei durowelte Hochtid harr fiert warden küunt. Doe würd allerdings nich danzt ore dahn, äwer dorför gieng all's so recht sinnig un manierlich tau, dat 'ne Freud' wier, mit dorbi tau sien. Blot Schweedten Badde harr sich toleht noch 'n Lütten intübert, äwer man'n ganzen Lütten, dorbi harr hei meint: so ganz na sinen Kopp wier't doch nich west, 'n beten Tütelütüd harr doch dorbi sien müßt!

Of sünst schüdde männigein in Koblshagen mit'n Kopp un meinte: dat wier doch nicks, dat twei Brutpore mit einmal trugt würden, doe künn doch man dat ein den Segen kriegen, un dat annor müste jedenfalls unglücklich warden. Awer of disse äwerglöwsche Wi' harr nicks tau bedüden, denn dei beiden Poor wieren glücklich worden. Bi Willmohsen Heinrich gieng't in'n ganzen woll'n beten vergnängliche her, dat wier wohr; so dat Wubde mihre as einmal säd: „Mit uns' Anning het dei leiw Gott uns sinen besten Segen in't Hus gewen!“ — Awer Schweedten Badde wier ebenfalls mit sin Swiegerdochter vullständig tofreden; hei drückte dat up sin Art un geführ so ut: „Uns' Writ, wat Franzen sin Fru is, dat is 'ne ganz verdeuwelte Diern; nich blot dei Wirtschaft het sei in'n Gang kregen, ne, sei het uns alltaufamen werre in'n Swung bröcht!“ —

Mihre künn man von Schweedten Badde nich verlangen, denn ein vergnängliches Christenlewen un Gottvertrugen kenne hei noch nich. —





tau bruten is, gaud! denn kann't von minetwegen  
nah'n Bierumtwintigsten losgahn!"  
"Jall jo Anna un Heinrich ehr Hochtid of wesen!"

men jo twei Fleigen mit ein Klapp slagen  
Schweedten Badde.

"Is dorbi intawwen'n," meinte Jost, "von  
beiden Boer up ein'n Dag trugt warden;  
wat sei Mudde?"

"Bei Dierns liggt jo längst prat,  
neihen mö naher allein; ick harr denn blot  
noch för d' Morgen, doe mücht' sief jo äwer  
kamen laten!"

"Na, denn Mudde," drängte Schweedten  
Badde, "wie mö Großmudde liggt doe ganz  
allein — Franz hei will — noch giern  
beten hier bliwen!"

Natürlich wull Jost noch gornich an't Weg-  
gahn dacht. Wie süll hei solang' her harr  
hei noch wenig mit Wriken mu wull hei doch  
of noch 'n beten mit ehr fl...

Schweedten Mudde wier etwas länger  
blewen; sei wier vör allen in'ntüg, wat  
Wriken mitriegen süll, wil äwer gte, müßte  
sei sief fügen, doch versprök sei bi'n s Josten  
Mudde ehr nödigte: "Ick kam bald kannst  
Di tau verlaten!"

So gingen denn dei Ollen af. —

Allmählich keem denn of 'ne vergnä  
zwischen dei jungen Lüüd.

Wriken säd nich veel; wie süll sei of?  
soveel redt, as sünst in männig Tohr un Dag

